

宛陵先生詩集

涼

詩

宛陵先生文集目錄卷第五十一

還吳舍人詩卷

沈文通遺温

沈文通遺温
温氏書

史供奉群鶴

和谷達觀見寄

和端叟農具十三首

和蠶具十五首

上元登省東樓

自和

又和

和公儀戲勉

再和公儀龍圖

放鷓

莫登樓

莫飲酒

和永叔勸飲

和永叔內翰

和公儀憶小鶴

和永叔思見憶鶴

春末叔戲春

二月五日雪

和公儀小桃花

感李花

琴高魚和公儀

嘗茶和公儀

目錄終

宛陵先生文集卷第五十一

還吳長文舍人詩卷

松液化茯苓又因為琥珀遇物必得形毛髮曾不
 隔君子亦豹變其文蔚可觀个者逢吳侯滿腹貯
 經籍噴吐五色霓自堪垂典冊詩教始二南皆著
 賢聖跡後世竟翦裁破碎隨刀尺我輩強追倣畫
 龍成蜥蜴有唐文最盛韓伏甫與白甫白無不包
 甄陶咸所索侯初守二郡山水多助益升高觴嘉
 賓賦筆速鷹翻葺書成大軸許我觀琮璧真物固
 易辨恨無百金易借後懷袖歸誦玩廢朝夕譬如

遊國都微况失阡陌苦吟三十年所獲唯巾帽豈
比夸受降甲齊熊耳積重見元和風珠玉敵海舶
自慙寒餓為何張空避席

和正月六日沈文通學士遺温柑

禹書貢厥包未知黃柑美競傳洞庭熟又莫永嘉
比適觀隱侯詩獲此殊可喜誦句擘霽囊香甘冷
熨齒明朝鑠禮闈何暇醉隣里

史供奉羣鶴

出珥銀貂侍太清迴看雙鶴舞中庭翩翩曾是仙
人驥兩兩尚儀君子形靜夜歌還巖嶺月終朝思

唳太湖萍莫將樹上雞相並會待歸飛向杳冥

雪竇達觀禪師見寄依韻答

巖竇常留雪山雪不有心禪衣百衲重香剎四明
深馴鹿來啣果栽松去作林自緣冠絃累未解遠
公尋

和孫端叟寺丞農具十三首

田廬

結廬野田中其高足以覘坐卧劣自容巢棲未嘗
歛但能風雨蔽何惜茅蓬苦古終當收穫畢寂寞
懸山店

颺扇

田扇非團扇每來場圃見因風吹糠粒編竹破筠
箭任從高下手不為暄寒變去麤而得精持之莫
肯倦

樓種

農人力已勤要在布嘉種手持高斗柄紫瀉三犁
寵月下叱黃犢原邊過廢冢安知俠少年玉食金
羈擁

樵斧

適從伐枯桑莫悟刀已缺斲工向欲迫田事不可

徹丁丁背谷聲役役持柯熱積薪高於山焉用
先後別

耒耜

古聖通物宜揉斲資粒食稼穡盡民勤墾耕窮
地力推化本神農維時思后稷我老欲歸田茲器已
先識

錢鏹

詩稱序錢鏹南畝興農作寧唯務芟雉豈不在
刈穫收功尚嘉穀託用隨芒屨太平茲所重坐見
銷鋒鏹

耨鋤

蕪穢或不治良苗安得長
薈來露未晞荷去月初
上侵煙濕搗頸近芟翻
蟻壤生具自有餘何醉
汗沾顙

襪襪

上襪與下襪青菘苦能織
曉披春雨來晚照陽披
側蔽身常自足衝濕曾為
得任從野風吹已敵寒
蓬色

臺笠

力田冒風雨緝籜為臺笠
寒菘相與用陰野低

迷入足履固易濡鬢襟何嘗
濕斯須未可去赫日
實乃急

水車

既如車輪轉又若川虹飲
能移霖雨功自致未苗
稔土傾成下流損少以益
甚漢陰抱甕人此理未
可諗

田漏

瓦罌貯谿流滴作耘田漏
不為陰晴惑用識早
暮候辛勤無侵星簡易在
白晝同功以為準一決
不可又

耘鼓

挂鼓大樹枝將以一耘籽逢逢遠近汨汨來田
里功既由此興餉亦從此始固殊調猿猴歌取兒
童喜

牧笛

牧人樂下牧背騎吹短笛聲穿吳雲低韻入楚梅
的誰嗟苦調急自與幽意寂應同堯時民歌將土
壤擊

和孫端叟蠶具十五首

繭館

漢儀后親蠶採桑來繭館雲母飾車上鉤籠載車
畔援條露已乾受葉日將晏為言天下婦事不
可慢

織室

常聞漢皇后織室數來觀宮女豈不勤帝衣得以
完亦將成纁黃非用竟龍鸞鳥意在奉宗廟後人
其可安

桑原

原上種良桑桑下種茂麥雖雖麥秀時蠶眠葉休
摘空條漏日多餘榘更誰惜會待黃落來酒壚燒

斗石

高兀

桑柔不倚梯摘桑賴高兀每於得葉曾靡憂核
披躋陞類拾級下上異緣蟻閑置草屋傍鳴雞或
棲止

科斧

科桑持野斧乳濕新磨刃繁枿一去除肥條更豐
潤魯葉大如掌吳蠶食若駸始時人謂戕利倍今
乃信

桑鉤

長鉤扳桑枝枝間挂桑籠南陌露氣寒東方日光
動少婦首且笄幼女角已鬢竟以採葉婦曾非事
梳櫛

桑筥口

采采向桑郊盈盈自持筥挂鉤帶月往稚葉和煙
貯一心恐蠶飢搔首促儔侶到家傾嫩綠刀尾為
咬咀

蠶女

自從蠶蟻生日日憂蠶冷草室常自温雲髻未暇
整但采原上桑不顧門前杏辛苦得絲多輸官官

莫省

蠶簇

冰蠶三眠休作繭當具簇漢北取蓬蒿江南籍茅竹蒿踈無鬱浥竹淨亦森束竟畏風雨寒露置未如屋

蠶槌

三月將掃蠶蠶妾具其器丘植先得得音括碎室亦塗既眾材踈以成多薄所得寄終老歸族時應無慙弃置

蠶薄

河上綿蕭人女歸又織蕭相與為蠶曲還殊作筠篋入用此何多往售獲能幾願豐天下衣不歎貧服卉

縹盎

朝漬一盎繭縹就幾絢絲絲成繭已盡盎亦誰復持道上有墮甌車傍有鳴夷二物且莫笑顧藉各因時

紡車

蠶月必紡績絲車方挑擲燈下絡緯鳴林端河漢白纖縷自有緒虛輪運無跡腕手已為勞誰經用

刀尺

龍梭

給給機上梭往反如度日一經復一絲成寸遂成匹
虛腹銚兩端素手投未出陶家挂壁間雷雨龍飛出

織婦

織婦手不停心與日月速常憂里胥來不待雞黍
熟但言督縣官立要斷機軸誰知公侯家賜帛堆
滿屋

上元後主人登尚書省東樓

閶闔前臨萬歲山燭龍銜火夜珠還高樓迥出星

辰裏曲蓋遙瞻紫翠間
轆轤車聲碾明月參差蓮
焰覓紅顏誰教言語如鸚鵡
便著金籠密鎖關

自和

沉水香焚金博山杜陵誰復與車還
馬尋綺陌知何曲人在珠簾第
幾間法部樂聲長滿耳上樽醇
味易醜顏更貧更賤皆能樂
十二重門不上關

又和

康莊咫尺有千山欲問紫姑應已還
人似常娥來陌上燈如明月在雲間
車頭小女雙垂髻簾裏新粧一破顏
却下玉梯雞已唱謾言齊客解偷關

和公儀龍圖戲勉

五公雄筆廁其間
媿似丘陵擬泰山
豈意來朝飯
穎句忙中唯此是
偷閑

再和公儀龍圖

千重海浪漁人醉
百戰沙場野叟閑
豈向鬧中遠
得靜乃知朝市即
青山

放鷄

獸烹羊猪鳥烹鴨
雞唯鷄不殺置奴
而携公坐堂
上見而悲悽急令
開竅還故棲其間
無力飛不齊
公只知魚之洋洋
鷄之鴟鴞噫兮噫
兮

莫登樓

莫登樓脚力雖健
勞雙眸下見紛紛
馬與牛馬鞍纏牛
服勒露臺歌吹聲
不休腰鼓百面紅
臂構先打六么後
梁州棚簾夾道多天
柔鮮衣壯僕猓
髭虬寶搗呵叱倚
玉侯夸妍闔艷目
已偷天寒酒醺誰
爾併倚檻心往形
獨留有此光景無
能遊粉署深沉空
翠幃青綾被冷風
颼颼懷抱既如此
何須望樓頭

莫飲酒

莫飲酒酒豈讎
顏回不飲不白頭
千種稱帝堯百

觚號聖丘定國數石無滯留康成三百盃未休阮
籍作詩語更道聖賢在前誰與謀犸乾舌強湏潤
柔照見文字勝膏油

依韻和永叔勸飲酒莫吟詩雜言

我生無所嗜唯嗜酒與詩一日舍此心腸悲名存
貴大不輒思甌空釜冷不俛眉妻孥凍飢數恚之
但自吟醉與世違此外萬事皆莫知王公謁請衆
去早既棄愈懶身到遲日高倦僕顏色沮况騎瘦
馬兩耳垂馱此勞苦不喜出唯有文字時能為諸
公尚恐竭智慮勤勤勸飲莫我早再拜受公言竊
意公矯時只愛詩謂余癡

和永叔內翰

來時擊輿正探官走馬傳宣夾路看便鎖青春辭
上閤徒知白日近長安思歸有夢同誰說強意題
詩只自寬猶喜共量天下士亦勝東野亦勝韓

和公儀龍圖憶小鶴

聞憶華亭雙鶴鷁蒼毛未變頂微朱閑情且與稻
梁飽寄語休將雞鶩驅丁令再歸移歲月王褒端
為約僮奴主人必欲看雙舞太液池寬肯放無

和永叔內翰思白兔谷憶鶴雜言

醉翁在東堂為他栽桂樹待將枝條與人折憶着
家中玉色兔夜看明月海上來光彩離離入庭戶
且問嫦娥一借觀翁家雖有來無路嫦娥對面幾
萬里不聲漸漸西南去是時翁生懷抱惡却恨陸
機先憶鶴致令亦念眼迷離不似傍池能飲啄始
憂兔飢僮失哺又恐白毛塵土汗仍不如鶴有淺
泉自在引吭時刷羽花前舉翅鼓春風只待翁歸
向朝暮我聞二公趣向殊一卷月中物一卷華亭
雞一畏奔海窟一畏巢松株我雖老夫無物惑欲
去東家看舞姝

和永叔內翰戲答

從他舞姝笑我老笑終是喜
一惡固勝兔子固
勝鶴四蹄撲握長啄啄任看
一月光温只欲走
飛情意薄拘之以籠縻以索
一似纖腰夸婢約
主人既賢豪能使賓客樂
一膏面染髭鬚從
今宴會應頻數

二月五日雪

二月狂風雪寒威曉更加
一輕如粉苑樹暗添
花有夢皆蝴蝶逢袍只紵麻
一吟誰料我相與賭
流霞

聞永叔謂于華日明日
俞若無詩借一盃酒

和公儀龍圖小桃花

三分春色一分休始見桃花着樹頭
霰雪斗來如約勒為公留作上林遊

感李花 二月九日

重門雖鎖春風入先折桃花後李花
赤白闌妍思舊曲舊聲傳在五王家
五王不見留華萼華萼壞來碑
缺落當時李白欲騎鯨醉向江南
曾不錯

琴高魚和公儀

大魚人騎上天去留得小鱗來
按觴吾物吾鄉不須念大官常膳
有肥羊

嘗茶和公儀

都藍携具向都堂碾破雲團北焙香
湯嫩水輕花不散口甘神爽味偏長
莫夸李白仙人掌且作盧仝走筆章
亦欲清風生兩腋從教吹去月輪傍

宛陵先生文集目錄卷第五十二

和求叔看竹

較藝呈禹玉

再和

和禹玉答求叔

和禹玉贈求叔

和求叔戲答持螯

重答和求叔

又依韻

和荅求叔海棠

春雨呈主文

謝鵬和公儀

較藝將畢和禹玉

和公儀送白鷗

書事和韓子華

明經試大義

和求叔出省有日

和禹玉定號

和求叔寄張桂州

觀中樂書大字

同永叔和酬張溥叟

上馬和公儀

杜太師挽詞

送方云下第

送張待制知越州

送甥蔡駟下第

送唐紫微知蘇臺

韓持國遺洛筍

萊宣遺酒

送王寺丞睢陽幙

韓玉汝遺酒

王幾道遺古瓦硯

送咸陽王主簿

和諸公觀予石榴花

送史供奉

呂晉叔遺新茶

送畢甥臨中簿

和公儀觀舞及畫

目錄終

宛陵先生文集卷第五十二

刑部廳看竹效孟郊體和永叔用其韻

蒼蒼庭中竹事莫歎遲速不同欄下草一歲一迴

綠朝開花照曜暮落風相逐何如飽霜雪冬夏森

寒玉誰將種官舍本合近巖屋不可一日無蕭洒

看未足阮生豈其愚林中醉醺醖我當明月時移

床來此宿

較藝和王禹玉內翰

分庭荅拜士傾心却下朱簾絕語音白蟻戰來春

日暖五星明處夜堂深力槌頑石方逢玉盡撥寒

沙始見金淡墨榜名何日出清明池苑可能尋

再和

廉纖小雨破花寒野雀爭巢闕作團手卷白雲光
引素舌飛明月響傾盤群公錦繡爲腸胃獨我塵
埃滿肺肝強應小詩無氣味猶慙白髮厠郎官

謝永叔荅述舊之作和禹玉

天下才名罕有雙今逢陸海與潘江筆生造化多
多辨聲滿華夷一一降金帶繫袍迴禁署翠娥持
燭侍吟窓人間榮貴無如此誰愛區區擁節幢

較藝贈永叔和禹玉

今看座主與門生事事相同舉世榮並直禁林司
詔令又來西省選豪英飛龍借馬天邊下光祿供
醪月底傾食葉蠶聲句偏羨當時曾記賦將成

戲荅持燭之句依韻和永叔

盧仝只有赤脚婢吏部曾吟似笑仝紅燭射眸從
結客清歌帖耳苦憐翁歸時雖已過寒食芳物猶
能逐暖風但點紗籠續清夜西園遊興古何窮

重荅和永叔

我家唯有一團月掛在颼颼草屋東玉兔已爲公
取玩更休窺望桂叢中

又依韻

多病相如不復云更何曾有卓文君他時我向會
稽去只是荆釵與布裙

刑部廳海棠見贈依韻荅永叔二首

摇摇墻頭花萋萋有好色高枝笑粲粲低枝明
矍矍但與風相撩不與風相得風吹莫苦急游子歎
日具彭祖與顏回相去猶瞬息每觀形影篇曷在
神所釋不可廢我吟畢竟焉免白

摇摇墻頭花一一如舞娥春風買艷逸艷逸此何
多不爲游蜂撓即爲狂蝶過日光苦給給魯叟白

波波人生若朝菌不飲奈老何揚雄寂寞居豈若
阮生歌

春雨呈主文

蛟龍上漢魚潛動梁棟生雲鷲未知風點稍聞寒
瓦急玉條初向畫簷垂何郎夜聽應逢句謝眺朝
觀必有詩老大莫將文字困爲公牽強不勝疲

謝鵬和公儀

聞有白鵬夢遂作白鵬詩詩記白鵬語意公於鶴
私公意無薄厚爾將聽我辭朝給一瓢水晝給一
盞糜曾不令爾渴曾不令爾飢事事不異鶴安得

於鶴疑鶴鳴爾不和鶴舞爾不隨無以一供悅飽
食畚頽癡公所念爾久李白當畜之白固有篇詠
公偶未暇爲遣爾心不平謂此鈍見遺我持爾此
意請公吟莫遲公便納我言濡筆洒淋漓書爾在
南方野羽霜雪披弄啄紅豆實飛上枕擲枝翡翠
不敢顧孔雀不敢窺將擬是白鳳脩尾晝漣漪虺
頸而雞首戔戔如有儀而今與鶴爭此識固已卑
公初待爾厚鵬方知不知

較藝將畢和禹玉

窻前高樹有棲鵲記取明朝飛向東家在望春門

外住身居華省信難通夜聞相府催張榜曉聽都
堂議奏中龍閣鳳池人漸隔猶因朝謁望鰲宮

送白鵬與永叔依韻和公儀

致鵬猶恐鵬飢渴細織筠籠小瓦缸玉兔精神憐
已久金鑿人物世無雙休爭白鶴臨清沼且伴鳴
雞向綠窓美羽奇毛有多少爾身高穩勝他邦

書事和韓子華舍人

見憑蝴蝶過墻飛却夢翩然入綺闈欲撲翅輕索
不住覺時疑有粉沾衣

明經試大義多不通有感依韻和范景仁

舍人

明經與進士皆欲取公卿自是俗儒陋非於吾道
輕昔由羔鴈聘今乃草萊并不措一辭去緣何祿
代耕

出省有日書事和永叔

辭家綵勝人爲日歸路梨花雨合晴庭下鞦韆應
未拆籠中鸚鵡即聞聲千門走馬將看榜廣市吹
簫尚賣錫已是瓊林芳卉晚不須遊處避門生

定號依韻和禹玉

言出君門日遙聞紫禁鐘詔書中使降駿馬上閑

供天下持平手毫偏不置習文從有司較卷是近
臣封勝陣無容敵精兵已善攻明朝當奏号駕驚
看歸雉

寄桂州張諫議和永叔

桂林太守幾時行泛汴桃花浪已騰目極雲陰低
遠樹夜寒風急亂春燈巢鳴翡翠愁無限水宿鴛
鴦冷不勝陽朔山前好峯嶺爲公憐愛萬千層

觀張中樂書大字

芝旭馳名世有孫大書如曉過秋原長松怪栢皆
成炭豫氏觀傍不解吞

張溥叟獻詩永叔同永叔和之

張君獻詩詩詞巧美女插花嬌醉春公荅七言夸
筍竒我無千里學騏驎夜吟謝眺澄江練露濕陶
潛漉酒巾歸去應將錦囊貯已勝珠玉莫愁貧

上馬和公儀

煙火千門曉欲開五花驕馬肯徘徊井間已是經
時隔親舊全如遠別來帝闕重看多氣象天街新
霽少塵埃振冠浣服無容久便見池門放榜催

太師杜公挽詞五首

國佐三公進師臣一品歸接賓志素貴還綬遠危

機憶奉追尊册當觀副輅旂生榮人莫及無恨掩

泉扉

慶曆中改謚章聖五后公
奉册乘副玉輅出宣德門

既老仍開國因歸得賜金念懷知主意堅介見臣
心筆札尚存紙性情猶託吟向來門下客東首淚

盈襟

前歲因侍講王內翰歸省
其兄於睢陽上賜公金

莫怪霑襟血無由作弔賓故池歸去鴈春信見何
人已寫虛堂影猶錫守家麟門生與舊吏將立道
傍珉

言爲當代法行不古人慙天子貴元老史官傳美
談名高漢亞相學嗣晉征南有子即家寶未嘗金

玉食

見錄尋常詠親裝後手題言從永嘉後重與建安
齊自古難知己孤生每擇棲春風寄黃鳥為向墓

間啼

去歲同在補郎中調公
公出手裝僕詩一軸

送方云秀才下第

從來釣者意豈不在得魚餌寡魚口多曾非投竿
踈向登百金貴首尾必吹噓竭澤古所戒但保腹
中書風雷變有時且復歸孟豬

送張待制知越州

滄海東邊會稽郡朱輪遠下相臣家已同雲漢星

庭轉不與鑑湖風月賒越箭抽萌供羨茹秦山堆
翠照高牙買臣嚴助前時貴破盜論功未足誇

送甥蔡駟下第還廣平

爾持金錯刀不入顰眼貫已遭俗弃擲妾意堪憤
惋他時有識別終必為寶玩懷之歸河朔慎勿輒
鎔鍛改作毛遂錐穎脫奚足筭

送唐紫微知蘇臺

洞庭五月水生寒盧橘楊梅已滿盤泰伯廟前看
走馬闔閭城下見驂鸞吳娃結束迎新守府吏趨
鏘拜上官曾過揚州能慣否劉郎盞底勸須寬

離騷上言曾遊歷此論對否墜破益及曠賦實
去馬園問知不具親驚吳封劫東也海守承文賦
所致正月水主寒盡醉舞舞已載盤泰山陽會
問帝 遊專察對味藕臺

發難如利手茲驗歸來吳筆

謝出報亦給限然必為實冠對之謂何勝對於轉
爾許金論下不人辨罪貫已數谷花聯其意對對
遊野蔡隄下築翠費平

率照高平買百羅胡前却貴如盜論似未及結

哀轉不與蠶胎風月銀妓清醉前對美吟泰山對

實醉於風對東南來結何西北幾西北之鳳聯林
國婚鑿此不來人慈良其難骨對骨封客遊未魚
開如呈育空遠如富無無突對發聞韓風子身對
白日樸老樹精交變即月殊煥耀不參五休安可
無族有 萊宣畫配從得柱殊應聞漢來相投士位
之善語能其奧於學醉對無木瓜

女苦思愛韓伯下臨斷頭翅公嶺耶思發喜美因
嫩霞融融不與天紫銀林香韓伯蘇龍東莫今商
請絲香曲一又下紫輪回正轉然必金八華論清

韓林國畫香清

韓持國遺洛筍

龍孫春吐一尺牙紫錦包玉離泥沙金刀瑾錯截
嫩節銅駝不與大梁賒持寄韓郎綠蒲束莫令衛
女苦思家韓郎才調偏能賦分餉唯思楚景差因
之善謔誦淇奧欲學報投無木瓜

萊宣遺酒

白日對芳樹靜夜愛明月我飲雖不多盃杓安可
關破屋有空缸冷竈無黔突投餐聞韓辱乞食使
陶訥鑒此不求人終身其鏤骨儻有佳客過未免
貫袍芻風從東南來語向西北發西北多鳳雛枝
間報清越玉壺盛曉露贈置醉莫歌却少可飲人
為告月休沒

送王正卿寺丞赴睢陽幙

廢園孝王國離宮天子都古今雖且異文物未嘗
無族有栽槐美名從得桂殊應聞漢丞相待士倒
樽壺

韓玉汝遺油

朝讀百紙書夜成幾篇書明明白晝有陽烏黝黝
暗室無蟾蜍日睛須藉外物光日月不到卑鄙居
君能置以滑油壺暝照文字燈熒舒婦將膏髮雲

鬢梳餅底濁濃留脂車所益既如此所感當何如
王幾道罷磁州遺澄泥古瓦二硯

澄泥叢臺泥瓦斷鄴宮瓦共爲几按用相與筆墨
假賦無左思作書魏右軍寫初從故人來來自邯
鄲下物因人以重謬當好事者

送咸陽主簿王秘校

昔見蘭叢牙今見連蔓瓜持入咸陽市本出故侯
家五色相鉤帶秦人應自誇行當七月薦乞巧雜
盤花

和楚屯田同曾子固陸子履觀予堂前石

榴花

堂下一匹鄭虔馬欄邊兩株安石榴但能有酒邀
佳客亦任狂花落素甌俗女紅裙無好色主人白
髮自侵頭欲歌翠樹芳條曲已去洛陽三十秋

送史供奉汴口都大

河爲中國患亦爲中國利其患蓄堤防其利通糧
饋分流入浚汴萬貨都城萃積淫或暴漲早曠或
滯寔䟽導欲其宜經度有所異曩者多邀功用之
殊未至十私而五公歲久害愈熾潰溢必歸充廟
堂難決議明明聖天子自選中常侍銀璫插在貂

身小勇且智上從廣武城下及淮與泗迴險帖鑿
繁所畫由所寄嘗以勤厥身又能和衆吏前日有
盡心于今病憔悴此職方藉人加餐當自爲

呂晉叔著作遺新茶

四葉及王游共家原坂嶺歲摘建溪春爭先取晴
景大窠有壯液所發必竒穎一朝團焙成價與黃
金逞呂侯得鄉人分贈我已幸其贈幾何多六色
十五餅每餅包青蒟紅籤纏素綵屑之雲雪輕啜
已神魄惺會待嘉客來侑談當畫永

送畢甥之臨印主簿雜言

自我歷官三十年有脚未曾行蜀川李白嘗言道
之艱險長嗟難劇上青天鳥悲猿嘯馬蹄脫苔梯
雨棧愁傾顛蒼崖下窺不見底但聽雷聲輟石懸
湍濺曉盤青泥上高煙暮盤青泥到下泉劔閣如
劔嶢然割腸刺恨今古連爾去三千九百里巴山
小馬烏皮鞵一婦一奚行李單家具日貨能幾錢
人皆畏避不敢往此獨敢往何所便況是初宦無
遠適心意自許非由銓異乎哉我今送爾徒哀憐
依韻和公儀龍圖招諸公觀舞及畫三首
落花淨掃青陰長野蝶閑飛綠草閒侍從退來看

鶴舞便將樽酒欲招閑
陰森園圃墻東地携挈兒童樹下吟更約天邊鳳
皇侶閱書觀畫味尤深
初約看花花已盡重新邀客客應歡真花既不能
長艷畫在霜紈更好看

宛陵先生文集卷第五十二

宛陵先生文集目錄卷第五十二

送王介甫知毗陵

送曾子固蘇軾

送建倅沈太博

送王平甫擬離騷

送僧遊廬山

持國再遺竹筍

送僧惠思

送魯玉太博挽詞

蘇明允木山

哀國子黃助教

沅江李氏書堂

張寺丞改葬挽詞

讀黃節推卷

得陳天常斑竹

送余少卿知睦州

夜直廣文寄子固

重送曾子固

寄題江州齊雲樓

雲間月

和梅龍圖觀小錄

送鮮于秘丞黔倅

和閭職方暴雨

愛月

縉叔邀寄永嘉僧

和景彝馬上見槐花

送家靜知洛南

和景彝省中孤竹

求叔遺李氏新鴨脚

子履示秦篆寶

送王屋知縣孫秘丞

聽文都知吹簫

雜言送王無咎及第

目錄終

宛陵先生文集卷第五十三

送王介甫知毗陵

吳牛常畏熱吳田常畏枯有樹不蔭犢有水不滋
 糲孰知事春農但知急秋租太守追縣官堂上怒
 奮鬚縣官促里長堂下鞭扑俱不體天子仁不恤
 黔首逋借問彼為政一一何所殊今君請郡去預
 喜民將蘇每觀二千石結束辭國都絲鞵加錦緣
 銀勒以金塗兵吏擁後隊劔搥盛前驅君又不若
 此革轡障泥烏歛行問風俗低意騎更駑下情靡
 不達略細舉其麤曾肯為眾異亦罔為世趨學詩

聞已熟愛棠理豈無

送曾子固蘇軾

屈宋出於楚王馬出於蜀荀楊亦二國自接大儒
躅各去百數年高下非近局鈞陳豹尾科登俊何
炳縛楚蜀得曾蘇超然絕足父子兄弟間光輝
自聯屬古何相遼闊今何相適續朝廷有巨公講
索無遺錄正如唐虞時元凱同啓沃何言五百載
此論不可告二君從茲歸名價同驚俗

送建州通判沈太博

昔聞醉翁吟是沈夫子所作今聽醉翁吟是沈夫

子所彈聲如水澌下石灘嚼齧碎玉遶齒寒四坐
整衣容色端醉翁雖醉無慢官其音正以樂其俗
便且安何害醕酌顏渥丹沈夫子邂逅相遇必已
歡玉琴能寫人肺腑人所爲難君不難平明解舩
建谿去輕賣快意不長湍谿東白茗象月團來奉
至尊龍屈盤餘爲帶銜與齧片散在六合雲漫漫
況君五臟清如水宜飲沆瀣采木欄更留瓦硯贈
我看鄴宮鴛鴦誰刻剡

送王平甫擬離騷

識君兮不早君尚少兮我老蘭與蕙兮多薰塞雜

佩兮芳芬蘭條往兮蕙隨心俯仰兮徘徊與識吳
兮吳樂嘗適楚兮楚悅君何爲兮我闊麒麟繫兮
不馳鳳皇蔽兮挑達均莫悲兮別離悵公子兮何
之絕大江兮無波奉赤鯉兮藉荷芰莼符兮陳羹
親意得兮忘榮世及是兮從貴聊送君兮傷情

送僧遊廬山

欲遊廬山去將託楚舸梢暮行長河曲月上黃公
坳悠悠幾千里身世非繫匏恣觀瀑布虹不畏潯
陽蛟誦經東林下小宇結香茅

韓持國再遺洛中斑竹筍

牡丹開盡桃花紅斑筍迸林犀角豐兩株遠寄川
上鴻韓郎輟口贈楚翁便令剝錦煮荆玉甘脆不
道簞瓢空小謝舊城昭亭下侵天篁竹谿西東塘
蝦生後出牙齒羅列滿地爭強雄是時楚翁所食
寡朝飯暮飯唯其充今來得此謂過分一貴一賤
物苟同

送僧惠思

大車高馬塵塞軌弄石洗泉人不喜慨然擺落還
吳都歸心勁於弦上矢強弩發復開矢往不可迴
常應笑鷺子時能海邊來

送魯王太傅挽詞三首

射策志何遠闔棺人共疑
奠觴朋友去泣血母兄
悲霧氣窓間盡車聲戶外知
玉樓成作記此語可
能欺

自昔稱王謝于今亦盛門
尚看珠樹秀應見玉麟
存書史辛勤學文章苦死論都然
莫施設恨向九
原吞

試問於天下誰從百歲心
短長從所盡禍福乃相
尋只以名賓實那論古至今
未能忘物境空復歎
人琴

蘇明允木山

空山枯楠大蔽牛霹靂夜落魚鳧洲
魚鳧水射幾
千秋蠹肌爛隨沙蕩流唯存堅骨蛟龍鏃形如三
山中雄酋左右兩峯相挾翊尊奉君長無慢尤蘇
夫子見之驚且異買於溪叟憑貂裘因嗟大不為
梁棟又歎殘不為薪榘雨侵蘚澁得石瘦宜與夫
子歸隱丘

哀國子黃助教

儒者務欲博誦說窮冬秋衣裙未及解含珠以見
求閩稱黃夫子常恐學不流有徒如浮萍匝匝圍

刻舟聚書將萬卷載行無馬牛去年來京師滿篋
分寄投半在吳楚間半入趙衛陬昨日大官薦青
袍變緋裘今朝爲異物寸祿與命讎獨聞邯鄲公
哀之使斂收曷其稟賦薄安得被王侯旅殯欲焉
託定將葬何州生爲四方遊死當不擇丘豈必歸
故鄉萬里過山頭

沅江李氏書堂

船從洞庭來非賈即遊宦宦賈事風檣誰能樂清
晏不如蓄書史萬古無與間上觀堯舜仁下覽魏
晉篡善惡彼旣殊智巧徒以辨君心於此得用捨
不自慢堂中羅高厨戶外望鳴鴈菰菱可采掇魚
鼈可釣汕卒歲身多餘世俗莫習慣

張堯夫寺丞改葬挽詞三首

洛陽交舊裏過半已凋殘在昔義投漆最先悲闔
棺誰知二紀水重卜九原安聞說塞門路白楊風
更寒

當時嗟遽沒二子未能言頻歲折丹桂買塋遷陸
渾重銘太史筆不替故人恩爲善有終慶此焉天
意存

舊墳爲潤齧新塚得山深斬木來荒路移松出近

岑黃鸝啼棘上玉女問泉音強作挽人唱儻知哀
感心

讀黃節推卷

磊落黃從事清吟古氣多少年知任俠欲老解登
科辨起公卿坐時為慷慨歌又持珠玉贈將奈老
貧何

得陳天常屯田斑筇竹二枚

客初西蜀來遺我雙筇竹上有紅淚斑斷非湘娥
哭嘗聞帝魂哀豪血滴草木春露洒更鮮殷痕侵
粉綠截為扶衰杖萬里出洛谷今來入我手君勤

意有囑區區四十年重趼生兩足冠巾三男子且
與詩書讀翁雖文章窮尚以字遮目忍弃不以教
携歸事樵牧故茲九節贈用助老追逐楊朱非為
岐賈誼非為鵬及其悲慟時豈不沾盈掬揮之儻
着物無迹染林麓因持此竹紋勿歎前人獨

送余少卿知睦州

青山峽裏桐廬郡七里灘頭太守船雲霧未開藏
宿鳥坡原將近見燒田養茶摘藥新春後種橘收
包小雪前民事蕭條官政簡家書時問雪溪邊
夜直廣文有感寄曾子固

日暮蛛絲動月暗螢火明方茲步庭戶浩然懷友
生友生將東歸泛若赴海鯨已從龍門出不慕朱
鼈輕朱鼈過吳洲飛飛就東瀛沉浮未可問名有
萬里程須憂小水魴勞勞將尾頰

重送曾子固

楚澤多年一卧龍新春雷雨起鱗蹤誰知天上爭
騰躍偶落池中雜唼喁且自摧藏隨浪去何當駕
馭使雲從劉累只說古來有暫屈泥蟠莫便慵

寄題沈比部江州齊雲樓

遠目不高不可極朱樓要與浮雲共江流萬古平

決莽山雨一過寒淒迷賈客檣下望吹笛漁郎浦
前看斷霓飲飛射蛟水花伏高士種柳煙條低群
鴈有時至自北洪潮到此不更西君家隱侯有八
詠風雅未盡留人題

雲間月

明明雲間月皎皎莫可指雄鳥與牡兔萬歲不生
子三旬後乃合徒用成甲癸焉見下土物長養各
私已虵蝎滿窟隙嗣毒自未已天地豈有意盛德
名不死

依韻和梅龍圖觀小錄

四百鸞皇羽翼成高低輕重出權衡他時俱作公
卿去誇是王家門下生

送鮮于秘丞先通判黔州

壺頭山下俗巴婦曲中聽汲井熬鹽白燒田種穀
青巖風來虎嘯江雨過龍腥事簡能談者揚雄所
草經

依韻閣中孚職方暴雨幸涼

天津赫日欲焦拆西北風來斗滅威太帝宮庭無
暑入大明冠佩退朝歸泠泠冷襲瑠璃簟弈弈涼
翻翳翠幃交扇不須煩素手淋漓誰復汗頻揮

愛月

終夜每愛月見月常苦稀不雨即雲晦何能藉光
輝儻有一夕明豈畏露濕衣素娥領玉兔孤寡命
亦微堂堂罕開耀多是半掩扉曾負萬家望空似
隨人歸一歲復一歲白髮思釣磯

呂縉叔云未嘉僧希用隱居能談史漢書
講說邀余寄之

奈苑談經者蘭臺著作稱吾儒不兼習爾學若多
能每愛前峯好閑穿弊屐登定將修史筆添傳入
高僧

依韻和王景彝馬上忽見槐花

六月御溝馳道間青槐花上夏雲山退朝側帽驚
時晚近樹聞香暗詠閑新雨買生車喜出舊年潘
岳鬢添班老慙太學無經術空飽藿鹽強往還

送家靜寺丞知洛南

秦愛商於地信美洛水南銀鈿與丹砂鑿山民爭
貪蜀客善製錦當先務桑蠶衣老以及少使煦如
春酣摘蔬有荀蕨釣庖有巖潭頗同故鄉味將喜
獲所詣

和王景彝省中詠孤竹

愛此孤生竹碧葉琅玕柯結根甘泉裏豈必泰山阿
曾莫學兔絲徒以附女蘿風爲掃庭戶夜月誰與
過

永叔內翰遺李太博家新生鴨脚

北人見鴨脚南人見胡桃識內不識外疑若後栗
韜鴨脚類綠李其名因葉高吾鄉宣城郡每以此
爲勞種樹三十年結子防山獠剥核手無膚持置
宮省曹今喜生都下薦酒墜葡萄初聞帝苑夸又
復主第囊纍纍誰採掇玉椀上金盤金齏文章宗
分贈我已叨豈無異鄉感感此微物遭一世走塵

土醫顛得霜毛

陸子履示秦篆寶

其文曰二十六年皇帝書
并兼天下諸侯

此為皇帝乃詔丞相斯館法度
皇則不一嫌疑者皆明一之

秦既并諸侯斯乃一度量鑄寶以求傳萬世俾勿
喪精銅不生花小篆著丞相一沒咸陽宮千秋事
更王陸君居洛城容有來渭上曰因農人耕發壤
破古藏遂獲此物還文完字何壯始號為皇帝立
語已超曠意將愚黔首覺起危博浪其後同玉璽
不隨驪山葬今蓄於君家徒爾資奇尚物以用為
珍異時皆似妄

王屋高送王屋知縣孫秘丞

王屋山高無猿猱下有黃河水滔滔天壇半夜見
海白光動古邑雞先嗥雞先嗥絕吠熬巖居林栖
吏莫搔山膚有時得虞獵不比彘肉烹連毛聞君
今去將効陶縣前種柳芟蓬蒿不問公田問民俗
民安事簡教兒曹河南太守喜愷悌如此可以無
猷勞

聽文都知吹簫

晏虞部遣
求一見之

虞舜已去蒼梧野秦女駢鸞無復下簫管人間不
解傳帝樂部中能亦寡欲買小鬟試教之教坊供

奉誰知者晏識文公始致來勸接賤生宜強且乃
呼側坐吹一曲驚顧頓嘶堂下馬吾妻閨中聞不
聞稚女板簾笑嬌妣未敢多聽便遣還贈飲單盃
向身瀉

雜言送王無咎及第後授江都尉先歸建昌
白袍來黃綬迴來跨蹇驢迴跨馬麻源三谷桂花
開江都作尉入風埃主人劉向西京才心如明月
無不照恐君已到還鸞臺

宛陵先生文集卷第五十三

宛陵先生文集目錄卷第五十四

和王景彝憶秋 永叔七夕遺新酒

和永叔見寄 文豹篇贈黃介夫

送京西王提刑 送陸學士宿州倅

得君謨書并茶 三舍人見訪

送耆老兩浙提刑 永叔見訪

送石舍人還蜀拜掃 送劉學士還南京

送潤倅李屯田 寄題儀州書齋

哭孫明復 程文簡公挽詞

送蜀倅李殿丞 聞永叔廣文直

和公儀新居栽竹

贈陳京西郎中

送董著作知北海縣

送王學士知池州

讀永叔集古錄目

和永叔秋日郊行

送王學士使虜

哭王職方

和楊直講九日有感

王侍講原叔挽詞

送公儀龍圖知杭州

和夾竹花圖

送李端明知河中府

和永叔西齋植菊

和于學士城東飲

目錄終

宛陵先生文集卷第五十四

依韻和王景彝憶秋

隴首欲看飛去雲槎頭安得卷輕輪流烏不轉西

邊日乘馬猶知果下人空渴魏臺冰在井從悲楚

客淚綠巾炎炎赫日偏憎老眼耳昏聾半塞塵

七夕永叔內翰遺鄭州新酒言值內直不

暇相邀

詰朝持鄭醞向夕望星津倍意願添巧古心思變

淳于窮少陵老公似謫仙人獨對金鸞月宮詞付

小臣

依韻和永叔久在病告近方赴直道懷見
寄二章

浴堂深殿近皇居秋夕詞臣直宿初宮女穿針爭
落月官奴持燭看殘書萬家乞巧心無盡斜漢飛
光望有餘枕上江山夢猶熟五更寒雨過簾疎
玉轡瓏瓏出絳宮青槐馳道曉煙中塵頭尚裏洗
車雨馬耳前趨吹鬣風聞說自將身許國不須仍
以醉為公我今才薄都無用六十棲棲未歎窮

文豹篇贈黃介夫

壯哉南山豹不畏白額虎澤霧毛雖雜鼯鼠朝
將具鬚暮為乳文章子雲久已許還笑大夫費五
殺天子伏中儀勿舉尾與旂常願者取

送韓欽聖學士京西提刑

王朝慎常刑恐民陷非辟分命遣使車謬狂得舉
摘薰之勸農桑欲野無曠隙韓侯夙所志功利豈
止百茫茫唐鄧間荒土無牛跡邵關廢未久柘陽
仍舊白二地倘復營萬世不可易昔在漢家時近
親多占籍苟或非膏腴當應徙畿赤每念輒歎嗟
未能俾盡畫天將富斯民事與願不隔其勿謂何
如拾芥由琥珀我今送韓侯書以贈無責

送陸子履學士通判宿州

雷雨初過草木新
汴堤楊柳綠陰勻
已看畫舸逐流水
不惜長條折與人
淮境秋傳鱉螯美
郡齋涼愛蟻醅醇
睢南莫久留才子
宣室歸來問鬼神

得福州蔡君謨密學書并茶

薛老大字留山峯
百尺倒插非人踪
其下長樂太守書
矯然變恠神淵龍
薛老誰何果有意
千古乃與竒筆逢
太守姓出東漢邕
名齊晉魏王與鍾
尺題寄我憐衰翁
刮青茗籠藤纏封
紙中七十有一字
丹砂鐵顆攢芙蓉
光照陋室恐飛去
鑠以添篋

緘重重茶開片鏽碾
葉白亭午一啜驅昏慵
顏生枕肱飲瓢水
韓子飯菴居辟雍
雖窮且老不媿昔
遠荷好事紉情悰

韓子華吳長文石昌言三舍人見訪

當時載酒客共過
草玄人今日一寒士
能來三侍臣
竹門容犬馬
金絡照諸隣
鷄瘦莫為具
阮家依舊貧

送吉老學士兩浙提刑

重本恤刑天子聖
舟車持詔使臣賢
部中漢吏無冤獄
葑上吳人益美田
重過故鄉逢故老
一聞鳴

鶴記山川不須歌管唯詩酒況有餘杭白樂天

求叔內翰見訪 七月二十六日

內相能來顧為郎樂有餘兒童爭拂榻門巷劣容
車掩扇知秋意窺墻省舊書經年三枉駕未與故
人疎

送石昌言舍人還蜀拜掃

紫微星宿何煌煌掖垣華閣上相當舍人亦與泰
階近兩兩聯裾如鴈行其間飛星入玉壘天子賜
告歸故鄉錦鞵金轡照棧去文園渴令難可望楊
雄位甲總執戟豈有爵祿多文章石公官顯職且

貴還家展墓酌椒漿太守趨塵里人避岷山松柏
風淒涼雄牛行酒與耆舊耆舊醉歸呼此郎公置
名分共其樂敦厚世咎時陶唐郎呼只作曩日視
安知鏘玉侍明光歸來却向鳳池直詔言一出稱
廟堂廟堂蕭曹不草草潤色鼓動辭琅琅鰲頭蓬
萊便可到蜀人更賀烹猪羊

送劉元忠學士還南京

昔見相公登瀛洲今見公子為校讎鯤鵬變化三
千載我生安得不白頭君前拜恩父前慶暫向南
都乘順流南都留守頗為喜將吏入賀靴聲道酒

與銀鳧羊鬻炙上下和煦移涼秋歸來却上柳堤
路西風健馬控花虬

送潤州通判李屯田

過江始與風沙隔京口山連北固牢刺史丰儀於
體重邦人全伏此名高宴盤紫蠓方多味古寺青
林不厭邀定挈傳家舊圖籍漕河應莫費吳艘
寄題知儀州太保蒲中書齋

中條挿遠近黃河瀉直斜蒲坂之城在其涯渠渠
碧瓦十萬家官商工農共擾擾侯獨理齋窓照紗
侯方守邊聽胡笳滿屋蓄書凡幾車他年不按清

商樂亦莫學種東陵瓜老繫戰馬向庭下厨架整
疑齊籤牙朝聞鳴鷄夕聞鷓鴣眼昏秋匣生銅花兒
孫誦習且盈耳客來休論常山蛇

哭孫明復殿丞三首

魯國先生歿夷門吉士哀因讒君席遠時賻帝恩
該寂寞蒿宮啓悠揚笛旒迴昔賢皆不免松下作
寒灰

舊業居東岱中年謁紫庭要塗無往跡至死寸殘
經詔許求遺藁朋隣與葬銘世人無怪我涕淚為
之零

自古春秋學皆知不可過生前恩禮少歿後薦章
多妻子將焉託田園有幾何汶陽秋樹裏黃鳥護
聽歌

程文簡公挽詞三首

嘗預巖廊政終為社稷再作藩安舊俗飲酒得賢
人葬禮鏡蕭咽明儀幣馬陳泉堂一經掩原上只
麒麟

將相榮難及唐虞世已遭多將管愈大節固位同
高哀悼王朝輟鐫埋史筆操空山伊水外松栢
蕭騷

關塞秋雲冷伊川苦霧陰薤歌金鐸碎蒿里石宮
深燃漆為長夜栽松作茂林空留舊冠劍家廟四
時心

送李殿丞通判蜀州

嘗聞蜀國海棠盛因送李侯宜有詩日愛西湖照
空錦醉看春雨洗燕脂郡無公事中國樂民喜群
邀匝樹窺望帝鳥啼空有血相如人恨不同時晨
鮮深淺非由漆解賦才華未得知聞說趙高今已
老試教圖畫兩三枝

八月十夜廣文直聞未叔內當

聞向蓬萊宿鰲峯第幾層
日秋聲暗葉雨殘夢空
堂燈推枕感孤鴈抽琴彈壞陵
誰知廣文直桃簞
冷於冰

和公儀龍圖新居栽竹二首

八月竹根移要雨逢陰
便向阮家求請公靜聽蕭
蕭葉斗變江南一夜秋
都城有地誰栽竹只見寒
樗與老槐聞種琅玕向
新第翠光秋影上屏來

贈京西陳郎中

忽枉乘軺車鏘然細首金轡駐
軫與我言琅琅有深

意乃知故相家事業已不墜
信哉渥洼種千里可
立致顯祖寶令君名聲取
高位伯叔與懿考聯榮
重當世于今多昆孫朱紫
紛曳地勉勉崇令德蘇
李何難至

送董著作知北海縣

君嘗佐王屬議平天下刑
出宰得古邑農鋤多帶
經素琴伴飲酒綠蘚生
訟庭舉首望海鴈高懷在
青冥

送王微之學士知池州

秋江渺然生寒潮北風吹帆上
青霄旗脚舒舒戰

紅鬣旗心閃閃交皂鵬橋下健兒餐金鏡屋上鸞
僮鳴紫簫岸傍舟人望且拜溪口直入當高巖正
聞鼓角波動搖奔山舞翠挹岩峩郭西猛虎夜莫
入太守號令如怒飈長戈椿爾喉長刀斷爾腰牙
兵將吏無敢囂新威烈烈野火燒

讀宋林集古錄目

古史書不足磨璞鑄美辭周宣石鼓文已缺秦政
嶧山字苦隳西漢都無半畫在黃初而上猶得窺
下及隋唐莫可數竒言偉迹恐所遺信都力粘大
小軸集十為秩仍第之隨目證訛甲癸推青編是
非皆究知有益於古今不疑碑雖滅絕事弗移後
人覽錄尚若披信都用意無窮期天灰地燼乃終
畢信都信都名愈出

依韻和永泚秋日東城郊行

郊原物老莽然中寓興驅車向國東夾道名園迷
屈曲壓枝秋實亂青紅寒畦覆綠將收菜野蝶雙
飛尚繞叢田父欣來問行幸依稀還似鬪鷄翁

送王景彞學士使虜

持節共知過碣石街蘆相背有飛鴻地寒狐腋着
不暖沙闊馬蹄行未窮隴上牛羊衝密霰帳前徒

御立酸風歸時莫問程多少却到河湟杏萼紅

哭王幾道職方三首

前罷邯鄲守孤高與世違青雲舊知在白首故園
歸既沒無兒女元貧只帳帟平生洛陽友從此更
應稀

我今過五十萬事日消磨熟識世間寡故交泉下
多葉秋知易墮松耐竟如何嘗亦悲前哲荒墳野
鼠窠

得君音信近安穩在緱山不是國醫悞寧辭蜀道
艱終然有脩短猶免歷間閔便作千秋別露襟涕

淚班

君當入西川官雖抱病無由免侍闈於
缺氏因吐血國醫以藥下之乘虛而卒

依韻和楊直講九日有感

也持黃菊藥時望白衣人首宿從來馱茱萸却下
親護霜雲不散吹帽客何貧莫要悲搖落秋花更
勝春

王侍講原叔挽詞三首

衣冠今盛族蘭玉舊嘉聲博古無遺悞遭時有重
名竟輿臨水發靈馬向郊鳴歸葬商丘外森森柏
已成

稽古逢堯舜鏘金侍冕旒生真尊鄭學子舍預夔

謀翰苑事猶著岱宗魂已遊無情是天地玉樹掩
高丘

丹旒秋風急清笳曉月寒明衣衰草露素士挽桐
棺行哭賓徒盛觀儀里巷殫空餘舊編在千載莫
能刊

送公儀龍圖知杭州

在昔漢中微我祖入吳門公今領名都千騎擁高
軒與古異出處素節古本原江觀白馬潮水花長
鯨奔山飄月桂子天香一國繁壯奇已若此纖侈
尚亦存舊聞其風俗色易而柔溫太守朝駕車閭
巷焚蘭蓀太守暮還府燈燭照旗旛清歌延冠蓋
廣湖浮酒樽成都與餘杭天下莫比論彼為公故
鄉此為公偃藩吏民宜寡事愷悌有謠言

和楊直講夾竹花圖

桃花天紅竹淨綠春風相間連溪谷花留蜂蝶竹
有禽三月江南看不足徐熙下筆能逼真璽素畫
成纔六幅萼繁葉密有向背枝瘦節疎有直曲年
深粉剝見墨縱描寫工夫始驚倍後初李氏國破
亡圖書散入公侯族公侯三世多衰微竊買椹頭
由婢僕太學楊君固甚貧直緣識別爭來鬻朝質

梯袍暮質琴不憂明日鐫無粥裝成如得驪領珠
誰能更問龍牙軸竹真似竹桃似桃不待生春長
在目

送李端明知河中府

才業人終服聰明帝所聞來希段干木去識大馮
君金絡鳴津口朱旗點鴈群山河虞舊國簫鼓漢
橫汾古堞臨秋月高樓等白雲應同羊牯子緩帶
隔囂氛

依韻和永叔內翰西齋手植菊花過節
始開偶書見寄

晝惜日易沉夜惜月易曉重陽種菊花此意爾大
好所嗟時節晚又失澆培早開榮獨是遲造化徒
費巧霜前擁繁華籬下同墮槁微根發再綠復咲
王孫草莊生語鵬鷃樂不計大小能齊乃有餘但
恐知者少常愛阮嗣宗遇酒醉則倒杯中得賢趣
世上逐金泉

依韻和丁學士陪諸公城東飲

黃花秋草滿荒臺聯馬鳴珂未欲迴上苑自將馳
道隔高林空望白雲開薦肴已去紗籠幕賜醞
新從蟻甕來天氣正清風景好重門雖禁不辭

杯

宛陵先生文集卷第五十四

宛陵先生文集目錄卷第五十五

和池守王微之訪別 寄題資州道勝堂

送黃國博知撫州 觀玉汝貢奉圖

送韓善宰河南 送刁主簿

和永叔戲作 送吳殿院使北

送呂司諫使北 送秀侔孫都官

和王平甫見寄 得王介甫常州書

司馬君實遺甘草 逢雷太簡殿丞

雷太簡遺蜀鞭 得太簡蒙頂茶

送邠州呂簽判 送福建施提刑

戲寄江鄰幾

送徐無黨歸婺

和永叔寄劉舍人

和襄州聞喜亭

許屯田新詩見訪

谷祖擇之惠鮓

覽忠顯上人詩

和吳舍人對雪

送滑倅王秘丞

和次道谷第寄懷

元日閣門拜表遇雪

王太丞立春早朝

上元夕懷子華

錢君倚日本刀

和梅龍圖入淮見寄

送和州周都曹

目錄終

宛陵先生文集卷第五十五

依韻和池守王微之訪別

君榮初出守我老未東歸病眼生花早蒼毛似葉

稀往還從更少談笑暫相依不及秋鴻翼能隨向

楚飛

寄題資州錢固秀才道勝堂

黉壇舊山下高卧一儒生有室羅經籍無心取組

纓芋肥收歲計耕熟摘霜晴暫向京都見添書入

蜀城

送黃國博知撫州

穴深長啄歌鏗未充腹攏弦疊響入衆耳發自深
林蒼空谷上弦急逼下弦清正如塘螂捕蟬聲坐
中賓歡呼酒飲門外客疑將欲行主人語客客莫
去彈到古樹裂丁丁內賓外客曾未聽乍聞此曲
無不驚還憶昭君入胡虜烏孫帳下邊馬鳴安知
如今有樂事能使女奚飛玉觥女奚年小殊流俗
十月單衣體生粟言事關西楊廣文廣文空腹貪
教曲曲竒譜新偷法部妙在取音時轉軸翰林先
生多所知又笑畫圖收滿屋不肯那錢買珠翠任
從堆插堦前菊功曹時借乃許出他日求觀龜殼
縮我嗟老鈍不如渠幸得交朋時借娛但樂休計
有與無

送吳仲庶殿院使北

漢朝重結單于好歲遣名臣禮數增紫鼠皮裘從
去着飛龍廐馬借來乘天寒將遇磧中雪鼻息暗
添髭上冰定見南鴻起歸思家書欲寄不堪憑

送呂冲之司諫使北

虜人多竊朝廷禮譯者交傳應對辭羊酪調羹尊
漢使擅堂舉酒見闕氏矇矓白日穿雲出漆漆黃
沙作霧吹知去燕京幾千里胡笳亂動月明時

送孫隱之都官通判秀州

柳條枯落盡不折意徘徊
泛汴趨殘水到吳看早
梅無耽聽鶴唳有信寄鴻來
聞說問亭改靈光化劫灰

依韻和王平甫見寄

兄為太守兩輪朱仲泛吳人燕尾艦
且看洞庭多橘袖莫懷江國有枌榆
少游山水殊非俗老愛詩書又似愚
百事輸君休問我風沙不比在雲湖

得王介甫常州書

斜封一幅竹膜紙上有文字十七行
字如瘦棘攢

黑刺文如溫玉爛虹光別時春風吹榆筴
及此已變蒹葭霜道途與弟奉親樂後各失子
懷悲傷到郡紛然因事物舊守數易承蔽藏
搜姦證縲若治絮蚤虱盡去煩爨湯事成條舉
作書尺不肯勞人魚腹將魚沉魚浮任所適
偶能及我為非常勤勤問我詩小傳國風統
畢葛屨音昔時許我到聖處且避俗子多形
相未即寄去慎勿怪他時不惜傾箱囊知君
亦欲此從事君智自可施廟堂何故區區守
黃卷蠹魚尚恥親芸香我今正值鴈南翔報
書與君倒肺腸直須趁此筋力強炊粳烹鱸
加桂

薑洞庭綠橘包甘漿舊楚黃橙綿作瓢東山故游
携舞娘不飲學舉黃金觴豁如卷畫水泱泱刺船
靜入白鷺傍菱葉已枯鏡面涼月色飛上白石荈
坐看魚躍散星芒左右窸窣夜何長烏樓古曲傳
吳王千年萬年歌未央莫作腐儒針膏肓莫作
健吏繩餓狼儻如龔遂勸農桑儻如黃霸致鳳皇
來不來亦莫愛嘉祥

司馬君實遺甘草想

美草將為杖孤生馬嶺危難從荷篠叟寧入化龍
陂去與秦人采來扶楚客囊藥中稱國老我懶豈

能醫

逢雷太簡殿丞

長安初見君君頷微有鬚後於河內逢秀峻美髯
胡又會在桐鄉談詩多孟盧學書得天然鐘王不
能奴荏苒三十載邂逅過京都朝接北扉飯暮應
西垣呼坐中如夢寐相語故人無昔由處士召曾
懷開廟謨今看髭已白議論恥非夫拜章陳時事
皆與相意符其識固不淺其用當亦殊人多惜老
大我復嘆羈孤終朝重相笑為君傾酒壺

雷太簡遺蜀鞭

蜀道山之峭壁兮如快刀一削平無痕其間春雷
驚龍走竹根迸石垂虺尾骨節瘦密風霜吞野夫
來之繼懸蔓分寸脫死持還奔他人不可得此物
乃重太守公侯孫獻來一錢不肯要只乞斗酒抱
歸村太守立性豈諂貴將贈故人唯義存我騎瘦
馬固莫稱破韉爛轡沙塵昏明日試執趨君門孰
不怪視竊笑言

得雷太簡自製蒙頂茶

陸羽舊茶經一意重蒙頂比來唯建溪團片敵湯
餅顧渚及陽羨又復下越茗近來江國人鷹爪夸

双井凡今天下品非此不覽省蜀苑久無味聲各
謾馳騁因雷與改造帶露摘牙頰白煮至揉焙入
碾只俄頃湯嫩乳花浮香新舌甘永初分翰林公
豈數博士冷醉來不知惜悔許已向醒重思朋友
義果決在勇猛倏然乃以贈蠟囊收細梗吁嗟茗
與鞭二物誠不幸我貧事事無得之似贅瘦

送呂寺丞希彥邠州余判

自有仲宣樂從軍仍近親關河歷周鄭風雪過咸
秦原上方驅馬鞍傍忽起鶉世家傳釣玉重問渭
川濱

送施司封福建提刑

命使得才臣欽刑聖生仁銅苗休問發田種去教
親白茗出溪上紅蕉連海濱輕車莫道遠詔意重
生民

江鄰幾暫來相見去後戲寄

低頭拜我蒼髯翁來如飛鳥去如風一夕共飲斗
柄北平明已向函關東衆中舊騎跛鼈馬塞下新
買連錢驄疾驅似逐鄧林日不肯暫住行何窮

送徐無黨歸婺州

吳蠶吐柔絲越女織美紈機杼固已勤刀尺誠獨

難裁縫失分寸長短爲損殘嘗聞仲山甫能補帝
袞完袞完民衣足天下無苦寒徐從信都學染翦
宜弃冠彼實山甫徒爾亦非粹宛東歸道自勝人
誰故時看

依韻和永叔內翰酬寄揚州劉原甫舍人

東望淮海間恨無鴻鵠羽鴻鵠日已飛風雪歲將
暮憶聽談老莊達生無恐懼我今齒髮踈何異樹
有蠹辭別不必道倪仰已成故書問雖惟為夢寐
則往屢乘桴思仲尼好勇慙季路願希隆中卧不
是邀三顧二公廊廟才酬寄封尺素臯夔久相稱

舜禹時已遇舉杯向明月此意聊可寓

和韓欽聖學士襄陽聞喜亭

亭欄下望漢江水淨綠無風寫鏡明日脚穿雲射
洲影槎頭擺子出潭聲檣帆落處遠鄉思砧杵動
時歸客情使者徘徊有佳興高吟不減謝宣城

許仲途屯田以新詩見訪

許氏世工詩渾棠格力微獨能兼古律無不是珠
璣捧卷光蓬室停車照竹扉陽春復高調自昔和
人稀

答祖擇之惠黃雀鮓

李白勸爾莫逐炎洲翠亦莫近吳宮燕爾不聽此
言禍患今乃見吳火時雖無越羅日生變空知稻
梁肥豈悟盃盤薦我不聞爾聲謬成先生饌咀嚼
勿言非雉鴈猶充饌

覽顯忠上人詩

昔讀遠公傳頗聞高行僧廬山將欲雪瀑布結成
冰尋跡數百載歷危千萬層師來笑賈島只解詠
嘉陵

依韻和吳長文舍人對雪懷永叔內翰

紫禁低雲拂綺櫺西垣人憶玉堂翁
髭覓句方

傳詠着樹成花尚舞空不管因風吹塞外任教飛
片落杯中曉來城郭遮無路阮籍驅車莫歎窮

送王巖夫秘校通判滑州

昔聞信都侯嘗作畫舫齋空戶兩向闕樽席長對
排左顧樹若岸右盼堵成崖既無風波虞但與物
景諧一從信都去來者趣意乖屋室改庫廩花木
爲薪柴君當訪其蹟更葺安舊牌記石儻尚在塵
土加洗楷然後釀井泉吟醉前人惜寄言靈河守
高此別乘懷

和宋次道荅弟中道寄懷

陸家兄弟苦西東黃耳傳書近已通共歎流年同
轉轂各驚華髮似飛蓬河冰夜合知霜勁塞霧朝
開見日紅臘盡春來又相遠江南江北望歸鴻

元日閣門拜表遇雪呈永叔

六花隨表拜東廂庭下遙呼萬歲長王會圖中陳
璧馬漢官儀裏濕旂常因風亂絮霑蟻首似鷓輕
毛落井床素髮垂冠少顏色衆人休笑老爲郎

王樂道太丞立春早朝

近臣頭上黃金勝殿前拜賜東風應暮牙疏甲族
春盤肉抹長絲何亘亘寬衣武卒饗至庭人歸下

筋殊難稱我家無火甑生塵際柳絲花空着興空
着興將底爲但願得米資晨炊不管飛糞與麥宜
千官隊中身最早五日一謁前旒垂

上元夕有懷韓子華閣老

一歲老一歲新年思舊年東樓管其望九陌聽爭
先白髮更中笑舞姝應轉妍追隨都已倦強對月
明前

錢君倚學士日本刀

日本大刀色青熒魚皮帖欄沙點星東胡腰鞘過
滄海船帆落越樓灣汀賣珠入市盡明月解條換

酒瑠璃餅當壚重貨不重寶滿貫穿銅去求好會
稽上吏新得名始將傳玩恨不早歸來天祿示明
游光芒曾射扶桑島坐中燭明魑魅避呂虔不見
玉祥老古者文事必武備今人褒衣何足道千將
太阿世上無拂拭共觀休懊惱

依韻和杭州梅龍圖入懷見寄

東都車馬苦飛霾南國桅帆喜過淮船背插旗風
自展沙頭迎浪雪相排白魚已薦糟增味紅稻新
炊粟獸懷定似謝公吟遠岫錢塘應合有高齋
送周直孺秘校和州都曹

箭頭破賊棄不爲筆端射策取桂枝殿前脫袍改
舊色庭下折腰甘去時歷陽郡小太守好督郵官
閑衆吏嬉江邊竹園啼竹雞竹裏種花春過遲東
望望夫雲脚垂煙雨隔岸風檣敲濕鴈不起沙上
斯君思歷亂如盤絲

宛陵先生文集卷第五十五

宛陵先生文集目錄卷第五十六

送汾倅謝太博

和永叔都亭館伴

送李學士契丹奠慰

送長洲邵簿

送薛比部

送次道學士知太平

和原甫楊州五題

送江陰晁太祝

送提舉朱職方

送晁太丞知深州

送少卿知宣州

和李學士北使見寄

送張秘校歸緱氏

送江東揚轉運

宜春宴射篇

送王太丞瀛州辟

送楚屯田知扶溝

呂山人同荆供奉見過

觀元忠小鬟舞

次韻奉和永叔

送王郎中知江陰

送闍郎中游山水

次韻和永叔嘗新茶

次韻再和

送泉倅許職方

目錄終

宛陵先生文集卷第五十六

送謝師厚太傅通判汾州

頻官吳越飽稷稻况住南陽多水田北登太行入

汾曲正獲肥稷秋風前晉人朴厚自寡訟軟炊玉

粒河鱗鮮君方少壯齒頰健甘美不負經腹便有

意南飛寄我信滿川鳴鴈下連連

依韻和永叔都亭館伴戲寄

去年鏤宿得聯華二月墻頭始見花今日都亭公

感物明朝太學我辭家

送李君錫學士使契丹弔慰

昨日匈奴來告哀殿門不識桃花開今聞君去作
弔使正值鴈鳴從北迴風卷黃雲無遠近山留白
雪猶枯菱歸看車馬汗流沫逃暑為傳河朔杯

送邵衣同長洲主簿

姑蘇城頭烏哺時長洲草綠春袍歸魯桑葉小蠶
出遲吳田水暖牛耕肥里胥爭迎縣寮喜入門先
自易綵衣拜親然後及王事簿書豈得長相鞅

送薛公期比部歸絳州裝墓

風雨梨花殘松栢墓門晚嗣子千里駒羊腸九折
坂春裘不畏寒行路未為遠舊來河內守父老將

表稅

送次道學士知太平州因寄曾子固

春浦楊花撩亂飛春江魴魚來正肥采石新林兒
女去菱白蒲牙艇子歸歸令煮魚不得熟已望使
君船上磯上磯亦不待潮應爭牽篋纜泥污衣姑
熟溪頭槌大鼓紅抹靴刀趨俯僂牙兵可擬岸傍
盧森森甲立雄南土更得西州謝法曹新詠定多
傳樂府

依韻和劉原甫舍人揚州五題

時會堂二首

歲貢蜀岡茶似蒙
茶能除疾延年

今年太守采茶來驟雨千門禁火開
一意愛君思去疾不緣時會此中杯

南發雷塘不起塵蜀崑岡上暖先春
煙牙才吐朱輪出向此親封御餅新

竹西亭

結雨竹西若若川揚州歌吹思當年
劉郎若向風前唱夢入青樓事罔然

春真亭

夢谷浮船穩且平泊登岡頂看茶生
始從官屬二三輩時聽春禽一兩聲

蒙谷

茗園惹倩與山籠一夜驚雷發舊叢
五馬留連未能去土囊深處路微通

崑丘

寺即煬帝離宮

隋家宮殿昔初成不道荒涼默進行
今日知來高處望山川興廢使人驚

送江陰簽判晁太祝

去無珠履為上賓進船申浦憶春申
江田插秧鷓姑雨絲網得魚雲母鱗
青天折桂香未滅紫豉煮蕪甘更新
平時况可樂風月吳物信美聊前陳

送晁質夫太丞知深州

蕪蕪問古亭春入饒陽城豆粥君王遠壺漿刺史
迎地涼宜牧馬塞近慣調兵爲寄井泉石老來思
目明

送少卿知宣州 先歸警上

汴水清明下宣城太守行鴨頭吳蕩綠燕尾楚船
輕族本三陽重詩從小謝清州民還最喜門下舊
通名

送朱表臣職方提舉運鹽

蜚竈煮溟渤航賦播楚越官權利言盈盜販弊相

汨連艘以轉致攪交或沉沒雖使日鞭黥未易窮

姦窟朝廷用朱侯提職欲無闕侯因許專畫拜跪

陳其說曰臣有更張敢以肝膽竭荆湘嶺下城恃

遠不畏罰堂堂事私賈遞吏遭驅突願使商自通

輸金無暴猝淮江且循常約束備本末國用必餘

資亭民無滯物事下丞相府論議不可拔從之東

南蘇拒之財賦過聽侯侯往施所便黔黎活五味

旣和調萬里銷狂悖汴水桃花時犀舟下流發過

淮逢絮鮎泊岸採蘆蕨挂帆趨浪頭應不勞歲月

依韻和李君錫學士北使見寄

行色見車馬爲之具壺觴暫辭甘泉宮遠奉左賢
王蒙茸春裘薄匝金絡光唯知君命重不數沙
路長魯酒雖入脣胡笳易迴腸歸來立醵頭言動
書不忘

送張山甫秘校歸緱氏

去年來折桂今年來娶婦得意春風前還家寒食
後蓬巷開雞犬藤花蔭井臼緱山白醪醇重酌高
堂壽

送江東轉運楊少卿

世言楚使者乃是漢名卿曾欲察黃綬但能勤列

城江山無改故草樹幾更榮有意息民甚不同求
羨盈

宜春宴射篇李駙馬請賦雜言

風雨未過桐華時宜春苑中梨萼被天子賜宴群
臣嬉少年都尉方追隨暮歸逢喜聯留後元榮雙
弓射熊皮侯宗戚族坐上少伯仲相顧驚恩私鳳
皇樓高玉簫吹金絡駁馬不肯騎自戒危溢作後
規何郎莫媿書與詩

送王樂道太丞

相如旣擊劔仲宣亦從軍二人當其時皆以能賦

聞韓公守武垣犀兵若屯雲帷中欲寄畫才智莫
有君請之天子所朝奏夕離群為沽斗酒飲為買
赤鯉焚魚盡酒亦盡醉起衣袂分

送楚屯田知扶溝

客亭多少路花信幾番風折柳贈新翠種桃思舊
紅淵明節已異潘岳趣還同政治有餘力歸來辭
賦工

呂山人同荆供奉見過

街上春泥踏始開山人忽同供奉來老奴行邊報
我晚怒氣欲拔庭中槐聞說道心調伏又等閑休

要起嫌猜

觀劉元忠小鬟舞

桃小未開春意濃梢頭綠葉映微紅君家歌管相
催急枝弱不勝花信風

次韻奉和永叔謝王尚書惠牡丹

大梁有公子洛陽有游俠昔時意氣相憑陵不問
興亡事栽挿栽紅挿綠鬪青春春風與開春雨颺
兩都富貴不相殊走馬尋芳何合雜只聞年少競
爭先摘葉嗅花身更捷安知遺愛舊留守馳獻百
葩光浥浥尚書最重歐陽公盈盤分去蜂偷獵但

能為樂飲醇酒何必署名黃紙牒翰林職清文字
稀不比外官煩應接曩公為花曾作譜端相用意
隨蝴蝶擬王擬妃姚與魏歲歲年年千萬葉還將
顏色定高低綠珠雖美猶為妾從來鑒裁主端正
不藉娉婷削有胛舊品既著新品增備惡妬芽須
打拉嘗憶同朋有七人每失一人淚緣曉唯我與
公今且存無復名園共携榼公因尚書戴紅紫白
髮欺公生盍西磨墨揮毫興不衰作詩來使劉曹
怯副本能傳幸一觀口誦舌搖徒囁囁

送王郎中知江陰

持歸漢省青綾被去看吳都白馬潮疊鼓渡江寒
浪伏鳴鏡入境野雲飄魚穿楊柳誇鮮膾人來美
蓉學細腰家有二槐為太守弟兄誰似李文饒

送閻仲孚郎中南游山水

蜀山難於上青天聞之李白為舊傳蜀客往返曾
又然奇峯又與三峽連巫陽神女暮為雨飛入楚
臺王夢旃相如揚雄不道此宋玉景差其賦偏西
州才子邛鄲守懷章徃代尚踰年家住岷峨多此
宦乘閑因借下江船未浮洞庭沅湘去還探禹穴
希馬遷春申樓觀已不見子胥怒濤猶滿川錢塘

太守同鄉里一見君來顏已喜
甘饌香脆與君游
詩貯篋囊携不起
浣沙溪頭西子家
自尋錦石菖蒲花
掃歸成都與士誇
君平曾已悟星槎

次韻和永叔嘗新茶雜言

自從陸羽生人間
人間相學事春茶
當時採摘未甚盛
或有高士燒竹煮泉
爲世誇入山乘露掇嫩
菁林下不畏虎與蛇
近年建安所出勝天下
貴賤求呀呀東溪北苑
苑供御餘王家葉家長
白芽造成小餅若帶銚
閩浮閩色頂夷華味甘
迴甘竟日在不比苦硬
今舌宏此等莫與北俗
道只解白土和

脂麻歐陽翰林最別識
品第高下無敵斜
晴明開軒碾雪末
衆客共賞皆稱嘉
建安太守置書角青
翦包封來海涯
清明纔過已到此
正見洛陽人寄花
兔毛紫盞自相稱
清泉不必求蝦蟆
石餅煎湯銀梗打粟粒
鋪面人驚嗟
詩腸久飢不禁力
一啜入腹鳴伊哇

次韻和再拜

建溪茗株成大樹
頗殊楚越所種茶
先春喊山稻白萼
亦異鳥觜蜀客誇
烹新闢硬要咬盞
不同飲酒爭畫地
從揉至碾用盡力
只取勝負相笑呀
誰

傳雙井與日注終是品格稱草茅歐陽翰林百事
得精妙官職况已登清華昔得隴西大銅碾碾多
歲久深且窳昨日寄來新鬻片包以籜蕭纏以麻
唯能賸啜任腹冷幸免酪酏冠弁斜人言飲多頭
顛挑自欲清醒氣味嘉此病雖得優醉者醉來顛
踣禍莫涯不願清風生兩腋但願對竹兼對花還
思退之在南方嘗說稍稍能啗墓古之賢人尚若
此我今貧陋休相嗟公不遺舊許頻往何必絲管
喧咬哇

送許當職方通判泉州

乳鳥不遠飛乳獸不遠遊異類尚有戀人獨安所
求許侯恰爲郡乃甘貳一州得以奉雙親時物供
膳羞竹箭水順疾紅旗挿歸舟歸舟莫苦急睢陽
多舊事倚丞相正喜士樽酒應爲留清源六千里到
日魚蟹秋

宛陵先生文集目錄卷第五十七

送葛都官南歸

楊樂道留飲

項羽

送陳郎中知和州

送并倅薛水部

寄題靜居院

送大寧監洪秘丞

送江西馮轉運

和永叔景靈致齋

送當世知揚州

送單州蘇屯田

王平甫惠卧屏

送萬州武寧段尉

次答黃介夫七十韻

永叔見索叙述

送莫倅謝秘丞

送白秀才省親

送温州楚屯田

送僧在已歸秀

送祖印大師

題譯經院同文軒

和隣幾得墨竹二軸

永叔見過

韓子華見訪

送江寧董察推

和二學士見過

再和二學士見過

送閬州荆駐泊

江沈二學士見過

送壽州張司理

目錄終

宛陵先生文集卷第五十七

送葛都官南歸

不羨新為赤縣尹惟羨暫向江南歸江南暮暮梅
雨時風帆差差並鳥飛曾竿夾岸長若梳水籠
魚鮮且肥家在千山古溪上先應喜鵲噪門扉

楊樂道留飲席上客置黃紅絲頭芍藥

洛陽賣牡丹江都買芍藥賣與富人歡買為游子
樂萬絲必同心千葉必同萼五色相淺深百金相
厚薄栽培動經年風雨便成昨蕭條洛陽城索寞
江都郭賴有一春花能無十千酌朝看門擁車暮

見門羅雀嘗聞月底人欲把月桂斫要使清光多
四海意開廓我亦愛明月常滿不願落上弦過楊
侯乃值寒雨作共飲三四人不覺傳鳴柝持葩金
谷豪朱黃何灼爍還思溱洧上士與女相謔實此
香草芳請我賦其略酒闌爲追詠思拙筆屢閣

項羽

羽以匹夫勇起于隴畝中遂將五諸侯三年成霸
功天下欲滅秦無不慕強雄秦滅責以德訟達歸
沛公自矜奮私智奔亡竟無終

送陳郎中知和州

藹藹尚書郎出爲二千石伯父歷將相兄弟皆烜
赫前罷永嘉守民俗遮阡陌獨將海松歸夸與都
下客今去烏江邊寂寞空舊跡當求虞姬草無風
舞隨拍城頭可曠望千里波月白俱助使君歡平
時遺吏責

送薛十水部通判并州

并州自古近胡地牛酒常行十萬兵少尹曾爲五
府辟將軍况有舊家聲桑麻故已知風俗立隴何
須訪姓名聞說至今猶好馬試求安穩衆中行

寄題西浴致仕張比部靜居院四堂

張侯歸靜居堂宇結四隅堂中何所有書畫羅籤
厨四堂各異名名異義亦殊夷心與會真內以道
德娛清白及金蘭外為子孫模西南夜落蟾東北
朝生烏天門風相通盛衰理可無舊爾松檜樹間
之花石株雨晴氣候佳隣里或來俱遣摘班林筍
共持香粳盃飯畢循徑行不使僮僕扶所至舊衣
坐遍歷日過晡時遇園果熟甘漿水而粉膚就枝掇
鮮美咀味銷冰酥以此樂歲月豈是忘形軀禮法
不我棄勞吝不我紆上不媿二疎下不泛五湖自
有逍遙趣幸世遭唐虞

送洪秘丞知大寧監

三峽蠻溪上千山楚俗兼婦人樵入市官井貨專
鹽魍魎或為患獼猴常可嫌君能厚風化男子使
腰鎌

送江西轉運馮廣淵學士

五月江南行南風江惡遡乘潮雖有信不過湓城
去舫經香爐峯峯前須暫住二年少尹勞始得看
瀑布到官未必閑舉察憂財賦迴思廬山傍塵土
已生慮尚存滕王閣無忘一登顧

依韻和永叔景靈致齋見懷

翰林文字本雄強况復齋祠向靜坊高樹黃鸝無
去意深廊朱幕動微涼不嗟門外塵沙苦只覺壺
中歲月長庭下陰苔未教掃榴花紅落點青蒼

雜言送當世待制知揚州馮

廣陵老人爭持壺酒朝言送少年使君暮言迎少
年太守少年俱是玉墀人文章快利生銅吼莫作
蕪城賦事往復何有莫聽嵇康琴商聲豈堪久今
當太平非不偶星宿煌煌羅北斗揚州古富變荒
涼萬俗一心依父母地包淮海江湖寬貨是荆吳
楚越厚開釀剗羊願遇賓天下法法不輕口

送蘇公佐屯田知單州

栢上有羣鳥一鳥飛向東方棲城頭與人司吉凶
八月禾已穫九月黍已春竟持美酒相慶樂年豐
借問何能爾時平無困窮

王平甫惠畫水卧屏

臨流別君時羨君觀吳潮君行識我意遣畫一幅
綃畫作繞床屏滔滔隨驚颺前浪雪花卷後浪白
馬跳宛然千萬重不似筆墨描窳亞亂我目坐卧
疑動搖夜燈照河漢如有織女招朝日下天窻東
海無秦橋秦橋不可度織女不可邀但慕乘桴公

空能誦唐堯嘗聞挾柘彈意必在食鴉終當五湖
上歸去學漁樵

送萬州武寧段尉希元

相見三十載喜君始成名新袍照江綠白髮憎鑑
明臨水必觀魚獨傷魚命輕朝為淵底游暮為釜
中烹彼方路艱遠其民亦天氓餒之則為盜非是
惡厥生捕多勿夸能能在不犯兵

次韻荅黃介夫七十韻

春風不擇草萬卉皆發萌感夏一長養秋實俱與
成春粒以蒸炊刈枯以前烹工師調五音不問咸

與談自取衆律和黍谷動華英可以薦祖廟可以
陳帝庭良將統萬卒所向若驚霆戰鬪衆益勇號
今夜益明破敵必拉朽不見堅陣橫我觀欲物際
亦在農力興我觀合奏時亦在考擊并我觀成功
日亦在間得情草木有美惡造化無喜憎五聲有
高下一致不可評三軍用貔虎不較蚊睫螟大君
設時網廣海無漏網磊落黃夫子為學不自輕四
十登賢科良賈售百朋得志豈計晚成名等衆榮
舊交半存沒新知慕徒傾老鶴晴一啖隨風無近
聲好論古今詩品藻笑鍾嶸欲掃李杜壇未審誰

主盟我衰百事倦白首聊窮經兩目生昏花猶勝
張籍盲讀書愛日求秉扇自驅蠅但惡亂我思非
與小物勅清颺颯然來喜得如弟兄散帙空堂上
垂冠髮星星載誦堯舜篇幸今時太平不學遁世
士投竿泛東溟不襲貪生人煉氣喻日精不羨富
貴翁歌吹滿重城獨守螢火光莫擊蟾蜍晶人生
轉頭間未免一銘旌區區逐甘鮮鼎鼎夸佩纓安
知西山餓熟識縣上耕彼勿歎鳳衰此正歌鴻冥
分合沒窮巷迹澁蹈高閣妻子易爲飽粟鳥不足
營豈乏一噐飯豈乏一杯羹肯爲濁河濁願作清

濟清韓愈嘗有言百物皆能鳴特稱孟東野貧筮
文字盈到死只凍餒何異埋秦阮今我已過甚日
醉希步兵神仙多羽翼一一飛蓬瀛乃知無道氣
難可強留形鄙性實樸鈍曾非傲公卿昔隨衆一
往或值謗議騰曰我非親舊曰我非門生又固非
賢豪安得知爾名是時聞此言舌直目且瞠俄然
我有荅賢相持權衡喜士同周公其德莫與京我
去豈不送我往豈不迎自爲筋力寡路遠艱於行
未若歸教子遺金徒滿籠歲月苦易得顏貌日可
驚身雖馱役役心亦遠硜硜歸思吳州橘夢憶楚

江萍試看兩園基白黑何所爭朝脫泥塗困暮失
雲衢亨物理既難常達生重飛觥曾以文豹章遠
喻子懷能曩者恃貴勢悔說烏鳥靈烏靈及見怒
終恨屈此誠當時語頗錯盍呼爲大鵬於茲億遇
之應解頸頰頰韻盡意未盡且用此報瓊

永叔內翰見索謝公遊嵩書感歎希深師

魯子聰幾道皆爲異物獨公與余二人在

因作五言以叙之

昔在洛陽時共遊銅駝陌尋花不見人前代公侯
宅深堂鏤塵埃空壁闌蜥蜴楸陰布苔綠野蔓纏

石碧池魚有偷釣林鳥有巧射園隸見我來朱門
暫開闢園婦見我還便掃車馬跡何以掃馬跡實
亦畏他客我輩唯適情一葉未嘗摘他人或所至
生菓不得惜又憶遊嵩山勝趣無不索各具一壺
酒各蠟一雙屐登危相扶牽遇平相笑噓石搗雲
衣輕巖裂天窓窄上飲醒心泉高巔溜寒液下看
峯半雨廣甸飛甘澤夜宿岳頂寺明月入戶白分
吟露氣冷猛酌面易赤明朝循歸途兩脛痛若刺
日旰就馬乘香草路迫阨却望峻極居已與天外
隔薄暮投少林漱濯整冠幘碑觀巡幸僧指古定

空壁誓將新詠章燈前互詆擿楊生護已短一字
不肯易明年移河陽簿書日堆積忽得謝公書大
夸遊覽劇自嵩歷石堂蘚花題洞額其文曰神清
固非人筆畫乃知二公貴逆告意可曠遂由龍門
歸里埃環數驛我時詩已荅或歌或辨責責我不
喜僧性實未所獲凡今三十年壘塚拱松柏唯與
公非才同在不同昔昔日同少壯今且異肥瘠昔
日同微祿今且異烜赫昔同騎破韉今控銀轡革
昔同自謳歌今執樂指白死者誠可悲存者獨窮
厄但比死者優貧存何所益

送謝師直秘丞通判莫州兼寄張和叔

河湟宿兵地勁勇天下聞侵疆古甚熾薄伐詩所
云往今勢且異利害理頗分遠以塘設險遂輕甲
屯雲昔傳嘗膽國能破怒蛙軍越雖隔大江吳遭
若枯焚實由恃阻懈抉目悲伍負夫子負美才議
論高不群况有令兄弟今亦貳河汾助守戒不虞
慎勿倚和獯張侯爲刺史大族獨此君法明而不
奇可共飾以文

送白秀才福州省親

士憂行不脩不憂祿不及之子久好學何患名未

立聖時開賢科子獨不肯入固非遠仕進服著難
赴集南歸慰親顏道路正暑濕悠悠幾千里赤日
薄行笠暫憇青林下賴有寒泉汲漱齒去塵埃土
風須漸襲

送温州楚屯田

鴈蕩山頭鴈如隨太守來秋風既與至春日定同
迴上宰無忘舊明時必用才白於章句老經冊向
螢開

送僧在已歸秀州

前歲嘉興火僧居化劫灰四方持鉢去千里渡江

來心向玉成清綠從海客迴水天間啼

鶴不復有塵埃

送祖印大師顯忠

黃依賜祖印鑄名不鍊金力笑藉手子子責望不
人深渡江見海月秋光上遙林團圓冰玉盤燭
然出禪心

題譚任院同文軒

有書無異文有車無異軌貝多得亭行白馬來
萬里清軒延高僧一歲譚幾依譚罷坐林大香
庚草灑冥水

和江隣學士得雷殿直里竹二軸

昔見雷子之小篆今見雷子之墨竹竹即瘦已似

蛟龍吐葉晴曾無鳳凰宿江翁得之尤愛陽
作侍宮意酬傲軸掛在空堂坐臥看如玩蘭
巖畔綠萼疑昏里眼生花松煤濃色切寒鴉
不向主人兼寄至明朝騎馬到君家

永叔內翰見過

我居城西隅地僻車馬少忽聞大尹來僮僕若
驚鳥入門且坐笑豐稜光皎皎河我餐食若何
依舊抱糜麩問我詩若何亦未離煙鏡
我庭有藜苒不堪

秣騷集我壺無醪醴不能藉介召乃喜百事歸來
此與世矯固非傲不往心實厭擾擾

韓子華內翰見過

但見公軒過未見我馬去我懶宜我嫌公會不我
惡秋雨天街涼蕭蕭綠槐樹遙聽高車聲騶導門
前駐僕夫驚入扉遠曰能來顧度量何其宏始終
不改遇索以新詩章徧覽日欲暮誠慙境離音唐
突韶與漢明朝富負荆人莫譏貴附

送董察推赴江寧

金陵從事去不歎食無魚尺鯉日登俎故鄉時得

書衰荷短袂秋鮮曳長裾若見府公問年來懶更踈

次韻和司馬君實同錢君倚二學士見過
棲棲太學官日默塵坐積朋游絕經過都未昧相識幸得養踈慵不能事役役天京二賢佐向晚忽來覲笑我似盧仝環然空四壁只欠長鬚奴訴丑惡少摘移榻近簷楹談詩俄至夕迴車間巷隘跛馬愁所歷卑明看蒼苔已覺生轍跡

次韻和錢君倚同司馬君實二學士見過
府僚忽方駕乃知決訟餘大尹不苛察群吏不牽

拘嘗稱二三賢助治無偏隅新晴乘此涼行行過我居何以延君子唯有滿牀書何以解君頤淡句無足娛何以留君久燈燭已照塗登車莫言遠驕從美且都夾道行人止按轡寧馳驅我老焉所羨送子立躊躇

送閬州駐泊荆供奉

青天不可上蜀道未嘗行每說褒斜險唯聞猿鳥聲去爲千里客自握一方兵所重恩威立無將遠戍輕

江隣幾沈文通二學士見過

東城車馬多巷無蹄與轍如何二賢豪侵晨顧衰
芥喜言雨後涼早暮脫炎熱愛子屋室靜塵土都
已絕不唯清耳目亦粗養愚拙江碑讀頭陀沈賦
賞雌霓固知世德高學問冠時哲我慙於其間荆
華叅蟻垤然推鵬鷗分自足不少別君歸邀此吟
把筆強摠抉

送壽州司理張元與

清川夜流明月光城上有烏啼女墻月明不掩斗
與氣鳥啼未歸雲點霜霜寒月冷古時獄下有苔
蠹之雄鎧水方軒眉大靈智見我西北天門傍白
言昔有切玉寶嗟今非後百鍊鋼用之補履亦何
益穎脫未如錐處囊誰能為封華陰土背負七星
生焜煌君去味我書此意世天歎淮水來湯湯

宛陵先生文集卷第五十七

宛陵先生文集目錄卷第五十八

吳紫微見過

范紫微見過不遇

送王學士知亳州

江學士畫鬼技河篇

送發運唐學士

和司馬學士慮囚

和秋興

送覺上人歸湖州

送閔郎中知池州

和省中植菊

賦張仲通六章

和感子飛舊詩

次荅郭功甫

送懷倅李太博

送潘士方之建昌

和吳舍人送郭尉

和劉舍人樂郊詩

送張學士知登州

送王秀才歸建昌 和原甫遊樂郊

和王尚書花木瓜 九月晦謁子華

送王省副北使 送李學士北使

送祖學士北使 送章監簿歸秦州

送棣州唐虞部 金陵有美堂

送張屯田知永州

目錄終

宛陵先生文集卷第五十八

吳長文紫微見過

豈敢以貧賤而輒傲賢貴但恨門闌遙赫日去可
畏瘦馬汗常流寸步出無謂是以逾十旬景慕腸
欲涕近因秋雨來纖纖有涼氣九陌可以行輕服
可以衣方將事請見瘡足痛若躄忽枉騶騎過顏
厚言莫既尚期新醪熟還往襲經緯乃知君子德
曩分替則未

范景仁紫微見過亦謁不遇道上逢之
朝游翔鳳池暮直中書省無由見顏色况乃當畏

景退朝八月朔因得修造請高閑一何新未歸問
巷靜版刺留姓名不違佇軒屏驅馬返我廬道逢
騶從整斂轡莫敢行顧望立俄頃還家稚子言有
車來炳炳傳是紫微人將迴猶引領如何互相乖
徒自想形影更待秋風高緩步時徃省

送王道粹學士知亳州

古者二十石高車駕青驪車前陳曲蓋車後建朱
旗金鼓鳴兩旁壺漿擁通達所付重威惠所仰撫
惇嫠景毫實鉅屏徃俾國相之國相稱疾還正值
民阻飢朝廷急恤養選守莫與宜君嘗典海陵政
績為衆推今授輒辭命大夫多飛綬屢上不得請
飭馭俄輕齎既體堯舜仁又荅稷尚知八月風漸
高木葉將披披郊原粟已剥場圃黍可治必期寬
賦斂無乃息疲羸何當過苦縣肯暇觀舊碑

和江隣幾學士畫鬼拔河篇

蒲中古寺壁畫古畫者隋代展子虔分明八鬼拔河戲
中建二旗觀却前東廂四鬼苦用力索尾拽斷鬼顛
西廂四鬼來背挽雙手礎下抵以肩龍頭魚身霹靂
使持鉞植立旗左偏拔山夜叉右握斧各司勝負如爭
先兩旁搥鼓鼓四面聲勢助勇努眼圓臂臬張拳

擊捧首似與暴謹意態全當正大鬼按膝坐三鬼帶
韞一執旃操刀擐囊力指督怒髮上直筋舊白纏虎尾
人身又踣顧疾藜短挺金鉗堅高下尊卑二十四二十
四鬼無黃泉角錐竟強欲何睹曷不各各還荒堦
送制置發運唐子方學士
本以諫諍稱今以財賦用所為各有能何必於茲
重東南周萬里海陸竭煮種斂之為公上豈是與
民共民方苦久弊將缺太平頌有利得設施無不
可抑縱大都守繩墨曷異虱處縫從來許國心曾
未苟祿俸願無輸羨餘終亦歸侍從

次韻和司馬學士慮囚

縲囚往慮問勤恤意不息猛虎在陷穿桃尾尚求
食常憂有註誤非罪惟暴迫藹藹萬乘都憧憧四
方客一遭纖微疊鑑垢莫磨拭是以大君心惟恐
橫抵摘前法著以律後法編以冊每當炎蒸時獄
器用刑滌應無古寬血地下化為碧我今因牽吟
聊以肝膽瀝刑人皆得辜辛不似尤地脉間歸即解
鞍浣手嫌控勒昔言善烹魚必先漑釜南願言保
兢慎切勿厭此役夜月可留翫清樽可獨適一榻
寬且平群動都已寂可用休其勞不休庶終夕

和吳冲卿江隣幾二學士王景彝舍人秋興
我謂蓬瀛客清切不畏炎及觀秋興篇無遠此窮
閻乃知天地大節候無愛嫌寒不為富減暑不為
貧添向者遭蒸炊靡不同炮燁西風吹雨至凉氣
何纖纖霈然沃萬物不更畢宿占紈扇捉苦倦盤
冰得仍馱蠅癡驅又來蚊噉啄猶尖絺衣不復浹
醅醪堅初甜客有憎壁蝸誤客有困靴襜詩江一以
磔為喜一以嬾自謙唯有螭頭人朝立宮殿簷盛
誇樓觀高又極星斗瞻註子慙異群公歸意如陶
潛自念菊將坼復思禾可鎌春禾作釀熟獨邀影

與蟾此樂雖易有彼榮安得兼

送覺上人歸湖州富相國與紫衣

古寺一盂飯弊衣三歲塵相應維帝祝子已得袍
新范叔復何望原生甘自貧歸者五湖上終有泛
舟人

送閔郎中知池州

一送池陽守頗懷當日遊青山臨岸盡翠水入江
流楚舊茅為貢燕來薦報秋牧之登覽處故事待
君修

和吳冲卿學士省中植菊

園菓已熟實未墜野卉已老葉未瘁菊叢最時方
發榮潭上籬邊俱有為一從潭島輔長年一自籬
根圖暫醉今將移近省中蘭壘培早與陶潛異黃
土肥濃沃井泉朱欄屈曲侵塔地勁風不到何動
搖清露能霑誰著意看看重九各登高金蕊滿頭
無所忌及此頻邀同舍歡向來莫羨鍾繇賜我家
蓬蘽不足云強對嘉章顏起愧

張仲通追賦洛中雜題和嘗歷覽者六章

伊川

山斷瀉伊流灘聲朝暮急東渡馬將登西堤人已

立日看東西舟爭途如不及誰見捕魚郎寒蓑雨

中濕

洛州

上陽宮樹影不隨寒波流天津橋下石激響無時
休至清自照物遇險豈能柔東過白馬去凡經幾
千秋

潛溪

寒溪隨山迴脩竹隱深寺頗逢老僧談能憶先到
事白枯聖君憐緋花土人蔣不到三十秋依稀猶
可記

真宗嘗駐蹕白栝樹下
花譜有潛溪緋一品

石樓

山霄古石樓香藹石梯上低窺巖際樹對見龕中
像簷中高雲飛檻逼伊湍響同遊已零落歲月成
俯仰

大字寺

庭中兩大樹池上千竿竹竹有紅淚斑樹無衆鳥
宿昔日白傳歸愛吟裴令續間流水西園翻然入
他族

蘄竹

顛肥節腦瘦蘄水長笛材洛陽袁氏塢此竹舊移

來雪霰飽已久竅星誰爲開與君作龍吟吹發江
南梅

次韻任屯田感予飛內翰舊詩

二十四年君日哦翰林風韻郢中歌歲華荏苒都
如昨世事升沈亦苦多燕國駿蹄猶待樂荆山美
寶已逢和賸求海內多何用爛醉人間理莫過歷
覽昔賢皆泯泯尋思魯叟自波波我今不敢看高
躅蹇步年來任趺跣

次韻荅德化尉郭功甫遂以送之

江南有嘉禽乘春弄清吭流音入我耳愈感愈若獲

既朝聽已孤高暮聽轉幽曠何多燕雀辨聲不
相傍始聞汾陽生文行衆所諒獨哦青山間掉古
或悲愴弃官不屈人頗學陶元亮是時子受之顏
采莫得望倏然能見過遠涉丹湖浪袖勢一卷詩
行橐更無長固與俗人殊於焉識敦尚差差二千
石不知子所向駭子發論高萬仞聳孤嶂又如決
河湍捧土安可障吾方歎瓌材恨未逢良匠信哉
騏驥駒誰用伯樂相自從昔還朝汨汨走俗狀未
嘗寄子書子言今行行亦似昧相知曾非事高閑
把筆誠不勤強意乃爲妄茲晨去溢城聊以和子
唱子辭猶瀑布敢挹不知量

送李師錫太博通判懷州

洛陽古道登北邙河內碧山橫太行朝騎快馬暮
可到風物人心皆故鄉竹林無蹤懷阮籍路傍有
家嗟宣王別乘差同二千石教民唯在親耕桑

送潘士方建昌

軍壘近仙山麻源第三谷靈運詩亦存魯公記可
讀幸時無寇攘闌日望雲木儻見西王母白麟如
白鹿來尋鳥爪人神光生石屋無念癯背搔還恐
懼怒扑學道我未成鍊氣不飽腹安得羽翼生下

上同黃鵠送君想君遊星斗壇邊竹

次韻和吳仲庶舍人送德化郭尉

蒲葉高帆十二幅秋風逆水滿檣開是時不畏浪
頭起到日定將舡尾堆用捨東方言虎鼠賤踈梅
福比蒿萊少年才辨無如美廬岳峯前莫滯迴

和劉原父舍人樂郊詩

太守東平來固殊阮步兵步兵醉乘驢太守整佩
纓事物既已遺駕車出東城園荒久不治道路生
棘荆地辨人馬入草間狐兔驚舊池堙猶窳遺址
歸不取酈者使之濬歸者使之營博野高榭起陳

漁危臺成榭前東山秀臺下盧泉清傍塢梧竹密
翳水芹藻并渠渠有深堂燕賓飛玉觥芍藥廣陵
美謔贈鄭女情公子莫言歸古人未以輕欲知學
山簡倒載去歌傾

送張聖民學士知登州

慕君才行美風義亦個儻在遠恨未逢既近不屢
往非以近為輕恃易遂成曩倏為東牟守別我駐
征鞅又作千里遙依然復懷想昔聞之罘山秦碑
元有兩一存東頂中一在西頂上篆實丞相斯缺
剝不可做願言試歷覽聞見欲以廣海晴望石橋

神仙事微况始皇安得長陰怪役罔象橋斷水無
涯焉知有方丈邇者地出金發掘懷沃壤良民皆
逐末茲事誰用長凡為二十石唯在勸耕紡幸君
經術高教化人所仰

送王言秀才歸建昌

來時槐開花去日木墮葉作賦未得薦著書已盈
篋舊居近仙壇獨往遇農饑莫問鳥爪人欲取月
桂捷

次韻和劉原甫遊樂郊贈同遊

積歲阻顏色何以慰我思聞初遊樂郊頗慕登臺
詩下車未幾日倏見白露滋月弦不常滿星畢屢
已離幸無風雨晦時從寮案嬉大喜酒客難莫顧
尚書期獨守詩書愚未悟朝夕疲引領君子風東
首自忘移但當觀魚鳥辟去旄與麾優悠民亦康
何必苦吏為

次韻和王尚書荅贈宣城花木十韻

百菓各甘酸或由人所植木瓜聞衛詩贈好非玉
色投此瓊玖報蓋重車馬飾貴賤今既殊凌紙字
翕翫一一如明珠自得見安格復何備國風庶亦
見王澤捧之為重賜誦已乃忘食幸資藥品用少

助宣調力南土加文章中州異肥瘠公將和鼎鍊
微意願尋繹

九月晦日謁韓子華遂留邀江隣幾同飲
是夕值其內宿不終席明日有詩三次其韻
乘興驅車偶一來旋呼江老舊遊陪驚風送雨寒
初動舉酒浮蛆撥不開騏驥韜時聞內宿琵琶彈
急怨虛催接離帶去令傳樣自此逢歡未便迴

送王省副寶臣北使

紫服黃金帶銀鞍翠錦韉犯寒辭漢省持禮入胡
天左柱通華語名王接右賢舊曰山迴可記碣石與

燕然

送李學士公達北使

萬里使窮域山川入馬蹄馳鳴沙水凍鵬擊雲雲
低食飲羊兼酪供迎虜雜奚禮成迴近日喜聽早
朝雞

送祖擇之學士北使

燕山常苦寒漢使涉窮臘路長人馬愁風急沙霰
雜宿造氈廬開行逢獵騎合獻鮮秃髮馳問譯華
言荅每食冰生盤欲飲酒凍榼見其酋長時國禮
何勤納中朝厚仁恩四海望闔闔乃知日月光照

必蠻夷匪歸來易輕裘賜對延英閣

送許璋監簿歸秦州

木枯鳥不巢泉涸魚不游我非魚鳥情貧縛路阻
脩高陽有令子嗣世學已優前日來京城問恤忍
涕流今失王府薦命奇言非讎家聲喜未墜辭我
還海陬為酌一壺酒叙懷心如抽子之伯父歿遣
奠固莫由豈欲寡恩義力薄難置郵因寄緣睫淚
洒向君衣裘

送棣州唐虞部

人持左符去馬逆北風行古路草初白大河冰未

成暖科桑柘美寒織杼梭鳴風俗已如此憇棠無
訟爭

金陵有美堂

李白愛山如洛陽三盃為歌愁日長廢基臺殿不
可識玉燕舊棲王謝堂公來碧瓦起棟宇羅列圖
畫牙作牀池頭古月城下江照見萬里冰雪光江
流不盡月不死寒浪素影東西翔願公樂此殊未
央慎勿區區思故鄉

送張中樂屯田知永州

畏向瀟湘行不入洞庭去鞍馬踏關山衣裘衣冒霜

露零陵三千里楚俗未改故王澤久已覃國刑亦
當措皆聞柳宗元山水尋不飲其記若丹青因來
問潭步石燕飛有無香草生觸處仙姑異麻姑歲
月樓中度不食顏渥赭言語神靈預莫將車騎宣
獨徃探幽趣有信報我知惡欲驅塵慮

宛陵先生文集卷第五十八

宛陵先生文集目錄卷第五十九

王安之寄石榴

寄致仕余少卿

和吳學士即事

和沖卿藏菜

和景彝紫宸早謁

和荅景彝謝予訪

哀石舍人三首

王密諫漱玉齋

書李學士集後

送河東李轉運

和二君村墅閑居

送良玉上人還崑山

和宋學士紫宸早謁

和次道省中初直

賦孔雀送魏生

和宋中道見寄

雷逸老遺石鼓文

和次道奠石舍人

和景彝寄縉叔 和荅弟喜還朝

和荅安之見贈石榴詩

王安之寄兔魚 和景彝對雪

和荅求叔洗兒歌 重送祖擇之北使

題老人泉寄蘇明允

景彝率手痕詩 和介夫收丘潛畫牛

題嘉興檣李亭 吳沖卿鼓契

江鄰幾寄羊羝 贈周都官示詩卷

目錄終

宛陵先生文集卷第五十九

陽武王安之寄石榴

安榴若拳石中蘊丹砂粒割之珠落盤不待蛟人

泣舊友大河濱作宰寔畿邑嚴霜百果熟為贈忽

我及始時童稚矯爭取猴猿集老夫所食微何暇

更收拾聊荅君意動作詩恨短澁

寄致仕余少卿

仕苦戀朝廷多為老所逼朝廷雖愛賢不欲竭其

力君歸頗得宜湖上遂偃息男能智自謨孫亦俊

就職人事當置之自可樂曾臆

和吳沖卿學士冬日私居事

人知何晏宅近住白楊頭車馬不還往詩書多蓄
收風庭吹落葉霜樹立鳴鳩頗與市朝遠閉門凡
幾秋

和吳沖卿藏菜

霜前收美菜欲以禦冬時備之且增品挑新那復
思菖藟嗜西伯薑食語宣尼未免效流俗竟將鑿
盜為

依韻和王景彝學士紫宸仲冬早謁

朝開閭闔九重深望拜珠旒照玉簪霜氣稍迴龍

陛峻目光微轉鳳樓陰庭中細伏穿旗脚案外薰
爐對殿心我預千官少裨補欲將歌頌播堯音

依韻答景彝謝予訪其居

日暮乘羸馬因過太史家竹牕談脫塵槐樹暝栖
鴉邦瘁稽前詠人亡起彼嗟夜分歸不寐猶照角

巾斜

其日間石
昌言辛

哀石昌言舍人三首 十一月二日

朔日望顏色衣冠朝帝閣西靈未生魄東岱已收
塊弔哭新居啓封題舊篋存善人吾不見何可問
乾坤

聖賢無不死壽夭復何云唯有名常在其餘理莫
分朝榮金玉寶暮殞蕙蘭焚今日寢門哭緒言長
絕君

賈誼過秦畢相如諭蜀歸二人名既大一日命何
微疇似烏常渴災成鵬不飛百年今已矣冰結淚
霑衣

鄭州王密諫漱玉齋

渠渠梁照日泯泯水分京激作飛巖勢流為雜佩
聲圖書無近蹟草樹有冬榮景落人間處漂花出
古城

書李學士北使集後

蘇武艱窮只四篇五言風格到今傳節孝

哈都

無詠枉在胡中十九年

送李學士河東轉運

重持使者節北上太行行未注螭頭筆來關塞下
兵朱轡邦伯至黃綬縣官迎臘雪臨閔密宵烽出
堦明山川壯分晉戎馬說幽并此部多才俊其人
不易輕

次韻和吳仲庶苗蔡二君村墅閑居

聞說江南庾子山卜居泉石愛孱顏古來得喪何

八卷五十九
三
須問世上榮枯只等閑高闕浮雲徒有戀夕陽飛
鳥亦知還予貧不及三君子老愧朝紳進退間

送良玉上人還崑山

來木茶色袍歸變棋色服孤舟洞庭去落日松江
宿水煙晦琴徽山月上巖屋野童遙相迎風葉鳴
橡櫺

依韻和宋次道學士紫宸早謁

陸生聲譽在雲間來預簪裾謁帝顏冠劍有容夔
與高文章全盛馬兼班耽耽玉宇龍纏棟藹藹金
鋪獸齧環却出常衙殿前過戟衣風動自相攀

和次道省中初直

江南太守歸夜直省中闌霜氣冷侵被月光斜入
扉官奴休執燭侍史正薰衣展轉不成寐幽懷吟
更微

去年宋中道自洛州以書令魏殊來謁予
魏遂託主第後辭歸予因中道之兄次道
有孔雀賦以送魏生

置從南海枕柳林籠入西州鸚鵡地聳冠翕翼脩
尾張鱗鱗團花金縷翠一身粲爛文章多引聲坐
筭柰遠何五侯池館不可戀桂樹深枝自有窠鳳

皇樓頭饒鷺雀入屋穿簾非爾樂非爾樂去何之
北方佳人或歌兮

依韻和宋中道見寄

歲在涪灘初別子子道廣平裨郡理廉頗臺傾有
遺址今逢四方弓久弛時不用兵皆樂鄉念我貧
居天子庠抱經臨案空循行貌垢不洗顏蒼蒼得
時少壯相揄揚獨行無侶心泮浪腸如轉轆轉并
床內飢外寒膚粟芒若此煎炒何心腸王都浩浩
多球琅懷珉安可爭焜煌舊朋并騰皆俊良歿不
發語生括囊巍巍堯舜開明堂大調金石來鳳皇

鷺鷥戢翼方在梁福祿莫宜無不臧已甘老死填
溝隍殭尸闔棺猶目張仲尼生世尚徨徨豈能強
聒爭踳踳未由見子舉以觴北望大河衣袂攘牽
牛橫漢不服箱欲往乘車無可當天駟有星名四房
又欲乘馬行幽荒牛雖蹄瑩馬眼光既不我駕路
阻長我懷炳炳何日忘半夜攬琴彈履霜寫意緘
辭無鴈將低雲作雪正蒼茫

雷逸老以倣石鼓文見遺因呈祭酒吳公

石鼓作自周宣王宣王發憤蒐岐陽我車我馬攻
既良射夫其同弓矢張舫舟又漁縛鱖魴何以貫

之維柳楊從官執筆言成章書在鼓腰鐫刻藏歷
秦漢魏下及唐無人着眼來形相村童戲坐老死
喪世復一世如鳥翔唯閱元和韓侍郎始得紙本
歌且詳欲以氍衣歸上庠天官姸阿耽肯將傳至
我朝一鼓亡九鼓缺剝文失行近人偶見安確床
亡鼓作曰剝中央心喜遺篆猶在傍以曰易曰庸
何傷以石補空恐春梁神物會合居一方雷氏有
子胡而長日模月倣志暮強聚完辨辨經星霜四
百六十飛鳳凰書成大軸綠錦裝偏斜曲直筋骨
藏携之謁我巧趨踰我無別識心傍徨雖與乃父

非故鄉少與乃父同孟觴老向太學鬢已蒼樂子
好古親縑箱誰能千載師史倉勤此冷淡何肝腸
而今祭酒禪聖皇五經新石立兩廊我欲劾韓非
癡狂載致出閔無所障至寶宜列孔子堂固勝朽
版堆屋壻然湏雷生往度量登車裹護今相當誠
非急務煩紀網太平得有朝廷光山水大字輦已
嘗於此豈不同批據海隅異獸乘舟航連日道路
費芻糧又與茲器殊柔剛感慨作詩聊激昂願因
諫疏投皂囊夜觀奎壁正吐芒天有河鼓亦焜煌
持叱負鼎干成湯

和宋次道莫石昌言舍人

金羈白馬曉朝天
嚙管行車暮已傳
上帝樓成何遽召
青霄路絕不應還
飄階墮葉聲淒若
隔幕孤燈夜寂然
來奠一觴空湛湛
却思平昔淚漣漣

和王景彝寄呂縉叔

白盡髭鬚史未成
不如能賦易登瀛
三冬足用儒飽千里
從看跛鼈行知有清名
在公議自無餘力
到高閔磻溪八十猶垂釣
祖例推來亦後生

依韻和宋次道荅弟中道喜還朝

白首謬陪兄弟間
阿連初喜客兒還
池塘夢句君

能得咳嗽成珠
我未閑陋巷閉門誰扣扣
茂林飛鳥自班班
歸來又接同袍會
月下朱閑不用關

依韻和荅王安之因石榴詩見贈

當年仕宦忘其卑
朝出飲酒夜賦詩
伊川嵩室恣游覽
爛熳徧歷焉有遺
是時交朋最為盛
連值三相更保釐
謝公主盟文變古
歐陽才大何可涯
我於其間不量力
豈異鵬搏蒿鷄隨
見君弟兄入太學
俊譽籍籍聞一時
而今兩鬢各已白
偶因贈酬言及斯
升沉是非休要問
百歲歡樂誰能期

陽武王安之寄兔魚

原上一雙兔河中兩尾魚兔皮空被褐魚腹不藏
書長跪置遠意故人情何如二物本潛伏誰言置
網疎崢嶸歲亦晚將駕歸吾廬

依韻和王景彝對雪

天雪霰成先暴集地中陽復已如期穿林斗覺繁
風急入袖初驚學舞還樓上溫貂方貫酒竹間寒
雀未辭枝平明君向螭頭立玉座爐煙細細時

依韻和荅永叔洗兒歌

夜夢有人衣帔蜺水邊授我黃龜兒生男前一夕夢
道七贈龜一核
仰看星宿正離離玉魁東指生斗威明朝我婦忽

在蓐乃生男子實秀眉自磨丹砂調白蜜辟惡辟
邪無寶犀我慙暮年又舉息不可不令朋友知開
封大尹憐最厚持酒作歌來慶之畫盆香水洗且
喜老駒未必能千里盧仝一生常困窮亦有添丁
是其子

重送祖擇之北使

文章世德已能傳得桂高枝二十年持節欲同蘇
武勁下帷曾似董君賢衣裘椎領無嫌左飲食盃
孟暫厭羶一過范陽應感槩歸來圖畫彼山川

題老人泉寄蘇明允

泉上有老人隱見不可常蘇子居其間飲水樂未央淵中必有魚與子自徜徉淵中苟無魚子特翫滄浪日月不知老家有雛鳳皇百鳥戢羽翼不敢言文章去為仲尼歎出為盛時祥方今天子聖無滯彼泉傍

景彞率和唐崇徽公主手痕詩

兩壁美人虹已收蒼崖織手蘇痕秋和親只道能稽古沉略後來不解羞漢月明明掌中照胡塵漠漠指間留昭君歿後更多恨彈作琵琶曲未休

觀黃介夫寺丞所收丘潛畫牛

丘畫吳牛希戴嵩吳牛角偃彎如弓老牯望犇犢望毋毋下平坡離牧童牧童吹笛坡頭坐古樹蕭騷葉戰黃君買畫都城中不惜滿貫穿青銅賣從誰家不肖子傳自幾世賢卿翁今時貴人所尚同覽借觀玩題紙窮紙窮磊落見墨妙東府西樞三四公應識古人丹青蹟又辨古人於物通一毛一尾不取次豈以後代為盲聾願推此意佐國論況乃聖德同堯聰

題嘉興永樂院橋李亭

土化吳王甲骨朽越王兵五月菖蒲草千年橋李

城蒲根蛙怒豪城上烏夜鳴吳越滅已久客心空
屏營落日孤亭間悠悠鍾磬聲

吳沖卿鼓契

猶是唐時契有司
嘗欲昌耕上不許

暮契出朝契歸出入未嘗逢日暉雄雌曾不離鍾
室百年利弊知者稀時移世異不改易俗服厭舊
君前非君王萬年千年壽獨憐古器與東遠昨日
霜華厚如雪百官凍靴朝紫微吳王偷就温漏火
始一識之增歎唏不知逢逢六街鼓自此發號通
帝闈人間鍾鼓有多少多少亂鳴誰肯議

江鄰幾寄羊羝

去歲為明造者

細肋胡羊卧苑沙長春宮使踏霜羝蒺藜苗盡初
蕃息首宿盤空莫嘆嗟自乏良謀甘更鄙猶能大
嚼快無涯磨刀為削朝霞片時引清盃興轉嘉

周仲章都官示卷因以贈之

赭白西北來本是天馬種朝秦暮至吳嵩華如歷
冢伯樂曾未逢垂頭牧青隴今朝顧我鳴振鬣耳
聳聳聲生秋風悲已喪荆軻勇誰牽駕鸞車高
躡雲勢擁

宛陵先生文集卷第五十九

宛陵先生文集目錄卷第六十

覽翠亭記

林和靖詩集序

紅鸚鵡賦

述釀賦

靈鳥賦

南有嘉茗賦

鳴鳩賦

麈尾賦

擊甌賦

哀鷓鴣賦

問牛喘賦 和人

凌霄花賦

矮石榴樹子賦

風異賦

乞巧賦

思歸賦

鬼火賦

鬼火後賦

魚琴賦

針口魚賦

靈鳥後賦

目錄終

宛陵先生文集卷第六十

覽翠亭記

郡城非要衝無勞送還往官局非冗委無文書迫
 切山商征材巨木腐積區區規規襲不為宴慶久
 矣始是太守邵公於後園池傍作亭春日使州民
 遊遨予命之曰共樂其後別乘黃君於靈濟崖上
 作亭會飲予命之曰重梅今節度推官李君亦於
 廨舍南城頭作亭以觀山川以集嘉賓予命之曰
 覽翠夫臨高遠眎心意之快也晴澄雨昏峯嶺之
 顛也心意快而笑歌發峯嶺明而氣象歸其近則

草樹之煙絲溪水之澄鮮啣鱗翩來的的有光掃
黛侍側嫵嫵發秀有趣若此樂亦由人何則景雖
常存人不常暇暇不計其事簡計其善決樂不計
其得時計其善適能處是而覽者豈不暇不適者
哉吾不信也

林和靖先生詩集序

天聖中聞寧海西湖之上有林君嶄嶄有聲若高
峯瀑泉望之可愛即之逾清挹之甘潔而不厭也
是時予因適會稽還訪於雪中其談道孔孟也其
語近世之文韓李也其順物玩情爲之詩則平澹

邃美讀之令人忘百事也其辭至乎靜正不主乎
刺譏然後知趣尚博遠寄適於詩爾君在咸平景
德間已有大聞會天子修封禪未及詔聘故終老
而不得施用於時凡貴人鉅公一來相遇無不語
合慕仰低回不忍去君既老朝廷不欲強起之而
令長吏歲時勞問及其歿也謚曰和靖先生先生
少時多病所好無子諸孫大年能掇拾所爲詩請
予爲序先生諱逋字君復年六十一其詩時人貴
重甚於寶玉先生未嘗自貴也就輒棄之故所存
百無一二焉嗚呼惜哉

紅鸚鵡賦

相國彭城公尹洛之二年客有獻紅鸚鵡籠之甚
固復以重環繫其足遂感而賦云

蹄而毛翼而羽以形以色別類而聚或嘯或呼遠
人而處在鳥能言有曰鸚鵡產乎西隴之層巒巢
于喬木之危端其性惠其貌安與禽獸異為籠檻
觀吾謂此鳥曾不若尺鷃之翻翻復有異於是者
故得以粗論吾昔窺爾族喙丹而綠今覽爾軀體
具而朱何天生爾之乖耶俾爾為爾類尚或弗取
况爾殊爾衆不其甚與何者徒欲謹其守固其樞
加以堅鎖置以深廬雖使飲瓊乳啄彫胡以充飢
渴鑄南金飾明珠以為關閉又奚得於鳥鳶之與
鷄雛吾是知異不如常慧不如愚已乎已乎

述釀賦

少居楚鄉楚多釀者故稍識酒之然夫酒之作也
必良其器必香其泉法式具舉酸敗罕旃取有豐
約味有釀泊則曰聖曰賢和神懌氣積日弥年自
時厥後茲道寢隳昔飲其醇今飲其醜昔也熙熙
終日不乱舒暢四肢今也冥冥迷寃倒臯不知其
醒吾觀于世未始達此夫以天下為壚鬯飛庶為

梁米君臣爲麴蘖道德爲酒醴酣仁漱義四海薰
和莫知所以逮乎率土澆弊材不授矣君臣乖異
法不施矣道德遂薄酒弗飴矣舖詐啜僞昏然而
無歸矣安得滌其具更其術時其物清其室然後
漬以椒桂侑以棖橘吾將霑醉乎窮日

靈鳥賦

鳥之謂靈者何噫豈獨是鳥也夫人之靈大者賢
小者智獸之靈大者麟小者駒蟲之靈大者龍小
者龜鳥之靈大者鳳小者烏賢不時而用智給給
兮爲世所趨麟不時而出駒流汗兮擾擾於脩途

龍不時而見龜七十二鑽兮寧自保其堅軀鳳不
時而鳴烏鷓鷃兮招唾罵於邑閭烏兮事將屯而
獻忠人反謂爾多凶凶不本於爾爾又安能凶凶
人自凶爾告之凶是以爲凶爾之不告兮凶豈能
吉告而先知兮謂凶從爾出胡不若鳳之時鳴人
不恠兮不驚龜自神而刳殼駒負駿而死行智鷺
能而日役體劬劬兮喪精烏兮爾靈吾今語汝庶
或汝聽結爾舌兮鈴爾喙爾飲啄兮爾自遂同翔
翔兮八九子勿噪啼兮勿睥睨往來城頭無爾累

南有嘉茗賦

南有山原兮不鑿不營乃產嘉茗兮囂此衆氓土
膏脉動兮雷始發聲萬木之氣未通兮此已吐乎
纖萌一之日雀舌露掇而製之以奉乎王庭二之
日鳥喙長擷而焙之以備乎公卿三之日槍旗葢
擧而炕之將求乎利羸四之日嫩莖茂團而毓之
來充乎賦征當此時也女廢蠶織男廢農畊夜不
得息晝不得停取之由一葉而至一掬輸之若百
谷之赴巨溟華夷蠻貊固日飲而無厭富貴貧賤
不時啜而不寧所以小民冒險而競鬻孰謂峻法
之與嚴刑嗚呼古者聖人爲之絲枲締綌而民始

衣播之禾麩菽粟而民不飢畜之牛羊犬豕而甘
脆不遺調之辛酸鹹苦而五味適宜造之酒醴而
讌饗之樹之果蔬而薦羞之於茲可謂備矣何彼
茗無一勝焉而競進於今之時抑非近世之人體
情不勤飽食梁肉坐以生疾藉以蠶絲而消脾胃
之宿陳若然則斯茗也不得不謂之無益於爾身
無功於爾民也哉

鴈鳩賦

時人謂鵙鵙癡拙禽也茲禽然癡且拙猶能以喙
寫心布于辨音者焉曰我智不如燕鴈識氣候之

蚤晚隨陽而來知杜而返勇不如鷓鴣鷹鷂恣搏
擊於秋天下無全物落不空拳惠不如鸚鵡鸚鵡
入崇堂兮蔭夏屋事言語以如人餌菓梁而飫腹
巧不如女匠挂巢室於枝上畏風雨之漂搖紕茅
莠而密壯年不如鸛鶴絜羽毛於寥廓希霖雨而
鳴埳和氣類而靡爵茲五者實無有於群鳥分馴
馴於林表癡亦誠多拙亦不少雖不能趨暄暍之
時亦毛翮而自持雖不能決爪吻之利亦飲啄而
自遂雖不能弄喉舌之辯亦呼鳴而自善雖不能
理窠之完亦棲處而自安雖不能適變赴情亦隨
宜而自寧噫唯癡與拙天之所生若此而已矣又
烏足爲之重輕

塵尾賦

野有壯塵兮罹虞人於廣原其身已殺其肉已燔
其骨已棄獨其尾之猶存飾雕玉以爲柄入君握
而承言聊指麾之可任雖脫落而蒙恩噫壁言諸犬
豕其死則均其肉與骨亦莫遂巡自古及今若此
泯沒者日有億計曾不一毫以利人是以生若虻
蟬死若埃塵生無以異於其類死不爲時之所珎
故仲尼疾沒世而名滅子長亦著論而有因乃感

茲獸而用告乎朋親

擊甌賦

余觀今樂愛乎清越出金石之間所謂擊甌者本
埏埴異琳球入伶倫兮間齊優其可尚者鳴非瓦
釜律度合鼓非土缶音韻周和非埴甕上下應作
非鐘磬節奏侔而又冰質瑩然水聲脩然度曲冷
然入耳瀏然猶有非之者曰善則善矣未若艷女
之歌喉何則是謂絲不如竹竹不如肉以其近自
然之氣况此曾何參於樂錄之目乎余辨之曰融
結合於造化堅白播於陶鈞發和於噐導和於人
可以樂嘉賓可以暢百神安得絲竹謳吟之匪倫
也哉

哀鷓鴣賦并序

余得二鷓鴣飼之甚勤既久開籠肆其意其一翻
然而去其存者特愛焉鷓鴣於禽最有名頃未識
也思持歸中州與朋友共玩之凡養二年呼鳴日
善罷官至蕪湖一冬為鷓鴣傷死遂作賦以哀云
物有小而名著亦有大而無聞吾於禽類得鷓鴣
兮不詳其音格雖其羽爛斑其生遺僻其趣幽閑
飲啄乎水裔棲翔乎竹間往咨羅者求之於野生

致二儀形聲都雅愛之蓄之籠之服之為日已久
言馴熟兮縱晞朝旭一遠而不復兮謂之背德非
我族兮戀而不去尤可穀兮晨啼暮宿何嗟獨兮
固當携之中國為士大夫之目兮不意孽鼠事潛
伏兮破窻嚙嗉何其酷兮嗚呼翻飛遠逝不為失
兮安然飽食不為福兮焉知不為名之累兮焉知
不為鬼所瞰而禍所速兮哀哉誠不如禿鷄鴟鵂
兮凡毛大軀妖鳴飲腹何文彩之佳何名譽之淑
前所謂大而無聞其自保而自足者與

問牛喘賦 和文 齊州六首

客有感前史問牛喘廣而賦義有由余得據遺辭
掇遺韻索遺意而用以酬夫寒為冬燠為夏和為
春肅為秋和以發生則物萌而抽燠以長養則物
盈而周肅以登就則物實而收寒以閉結則物藏
而休是則陰陽之道順而變和之職脩若乃當春
而燠是為行夏令而火侵於木時則有雨水不降
草樹早落火訛相驚疾疫多作故丞相當是月而
見牛喘恐天令之愆錯問從來之遠邇兮或力或
曠而可度匪賤人而憂蓄實原微而意博所以元
化日調萬彙時若及其後世我自我物自物天自

天人自人胡爲乎冬胡爲乎春孰謂差忒孰謂平
均曰吾委佩而端冕服美而食珍上奉天子下役
蒸民夫何預於我哉我亦無愧於茲辰

凌霄花賦

厥草惟夭厥木惟喬草有柔蔓木有繁條綠根兮
附質布葉兮數苗朱華粲兮下覆本幹蔽兮不昭
嗟乎此木幾歲幾年而至於合抱夫何此草一旦
一文而遂曰凌霄是使藜藿高艾慕高豔而仰翹
翹也安知蘋藻自潔蘭蕙自芳芙蓉出汗而自麗
芝菌不根而自長或紉珮帶或采頃筐或製裳於

駢客或登歌於樂章故得爲譽爲薦爲嘉爲祥皆
無附著亦以名揚奚必託危柯而後昌吾謂木老
多枯風高必折當是時將恐摧爲朽茲不復萌葉
豈得與百卉並列也耶

矮石榴樹子賦 并序

襄城縣庭下生矮石榴往來者異之予作賦寫其
狀因以自勵云

有矮石榴高倍尺中訟庭麗飛石訪諸走胥云非
封植忽此生榮三傳歲曆密葉如蓋繁條如織菱
蕤下垂疲軟無力細苞貯露纍纍及及下人俯視

顛本可識雀愧卑棲而不肯集兮故啾唧以矯翼
偃偃盤盤若屈若鬱紉紉結結非曲非直幹不足
攀陰不足息夫何挺質之可惑耶意爲異與爲妖
與人以爲異我不知其異曰殊衆人之類類人以
爲妖我不知其妖曰乖衆木之翹翹然而不生樊
圃臺榭遊觀之所產茲堂下其有以警而有以觀
因形戕義庶將有補當葦蔓衍之多枝無若輭柔
之不舉勿俾苞苴之流行勿使吏氓之輕侮勿泆
忍以自抑勿猶豫而失處勿關聳以接卑勿上下
之不撫夫如是則異也妖也固弗取維戒懼斯主

風異賦

庚辰歲三月丙子天大風壬午詔出郡縣繫獄死
罪已下夫風者天地之氣也猶人之呼噓喘吸豈
常哉若應人事之變則余不知故賦其大略云
吾因迓勞適平郊憇亭舍日具時群輩外器曰火
來音罹火來嗑呼噫噦出屋遠望西北之陲曰天
接地混混赫赫不見端涯逡巡則赤埃赭霧空盪
奔馳陽精失色白晝如晦號空吼穴揚砂走塊衆
心驚惶廣衢翳昧莫辨誰何執手相對其少頃也
稍明故歸人未寧兮相與而爲隊順前者措足之

不暇逆進者舉武而愈退睇山川兮安陳趨城郭
兮安在所可視者五六步之內越翌日四方恬霽
乾坤黯慘物色憔悴牛復馬還絕街鼻草靡木折
莢實墜禽鳥墮死泥滿喙几案傾欹塵覆器民廬
毀壞商車顛躓既而衆曰此何景也伺彼往來兮
問遠邇之所自或曰起浚都播許鄭歷洛汭以及
唐鄧漢隋之地稽厥時厥狀無與此土異未迨旬
浹德音遐暨是知本聞之不僞聊綴辭也若此言
變咎則非愚者之能議

乞巧賦

孟秋七日夕戶未扃余歸自外見家人之在庭列
時花與美果祈織女而丁寧乞天巧之付與惡心
手之鈍冥余既寢而弗顧又烏辨乎列星兒女前
曰故事所傳餘千百齡何獨守拙迷猶未醒遂起
坐而嘆曰吾試語汝汝其各聽夫芒忽之間變而
有氣氣而有形形而有生生而有靈愚愚慧慧自
然之經賦已定矣今返妄營則何異高山之木兮
不能守枝葉之亭亭欲戕而為犧象兮利塗飾乎
丹青且復天巧與人巧將不同也天孫又安得此
而輒私天之巧者總陰陽運四時懸日月星辰而

不忒其璇璣鼓雷風雨雪而不失其施生萬物死
萬物而物得其宜此天之所以任大巧而不虧人
之巧者非它直心口手足也心巧於慮口巧於詞
手巧於技足巧於馳亦各有極不可強為故慮之
巧不過多智謀使爾多謀多智則精鶩而魄離詞
之巧不過多辯言使爾多言多辯則鮮仁而行遺
技之巧不過多能藝使爾多能多藝則藝成而跡
卑馳之巧不過多履歷使爾多履多歷則速老而
筋疲如是則吾焉用而乞之吾學聖人之仁義尚
恐漫而無知肯乞世間之輕巧以汨吾道而奪吾

之所持吾決守此而已矣爾勿吾疑

思歸賦

祿有可慕祿有可去何則移孝為忠曾無內顧則
祿可慕而可據上有慈顏以喜以懼故祿可去而
不可寓噫吾父八十母髮亦素尚爾為吏復焉遐
路嗷嗷晨烏其子反哺我豈不如鬱其誰訴惟秋
之氣至慘慄而感人日興愁思側睇江濱憶為童
子當此凜辰百果始就迭進其珍時則有紫菱長
腰紅芡圓實牛心綠蒂之柿獨苞黃膚之栗青芋
連區烏桺五出鴨脚受彩乎微核木瓜鏤丹而成

質素乳之梨頰壺之橘蜂螭淹醯楨植漬蜜膳羞
則有鷓鴣野鴈澤鳧鳴鶉清江之膏蠓寒水之鮮
鱗冒以紫薑雜以菱首觴浮萸菊俎薦菁韭坐溪
上之松篁掃門前之桐柳僕侍不譁圖書在右或
靜默以終日或歡言以對友信吾親之所樂安間
里其茲久切切余懷欲辭印綬固非效淵明之褊
衷恥折腰於五斗蓋自成人以及今未嘗一日侍
傍而稱壽豈得不決去於此時將恐貽恨于厥後

鬼火賦

放舟於潁水之上夜憇於項城之野陰氣四垂而

雨微下左右望之若無覩者有光熒然明於水邊
人皆謂之鬼火吾獨未爲然焉噫謂鬼爲無吾不
敢謂之無謂鬼爲有吾不敢謂之有但觀韓氏之
言舊矣曰鬼無形鬼無聲旣無聲與形又安得此
而明嘗聞巨浸之涯百物皆能發光而吐輝又草
木之腐亦能生耀而化飛爾知彼是而此非曰若
電者因形乎因勢乎苟因形因勢則此何疑而弗
及嗚呼昔人有論電者陰陽之氣相薄而成何頑
形勢將就此妄名謂爲物光可也謂爲鬼火則吾
不敢聽

鬼火後

吾既爲鬼火賦客有謂余曰嘗觀舊說鬼火曰憐
前人有述子何不信言未畢余遽辨曰爾不熟究
吾旨耶吾豈忽而不知且聞兵死之血久而化之
既云血化安有鬼爲比夫草木之腐固合其宜宜
曰物光又豈爲過此論確如牢不可破尚恐未然
更聽吾言彼燁燁者胡可以烹煎彼熒熒者胡可
以燠暄彼熠熠者胡可以炎上彼熠熠者胡可以
燎原蓋無此並蔓說徒繁客慚忸無辭而起余方
掩乎衡門

魚琴賦

并序

丁從事獲古寺破木魚斲爲琴可愛玩潘叔治從
而爲賦余又和之將以道其事而寄其懷
爲琴之美者莫若梧桐之孫枝夫其生也附崖石
遠水涯陰凝其腋陽削其皮曾亡漫戾而沉實之
韻資噫始其遇匠氏也有幸不幸焉故未得盡厥
宜其於不偶若陷於夷剗中刻鱗加尾及鬚宛然
而魚日擊而椎主彼齊衆之律令則聲聞音爾而
四馳粵有好事者竭來睨之取爲雅器製變尾樣
徽以黃金絃以縻然音和律調乃升堂室嗚呼琴

考遇與不遇誠由於通室始時效材雖甚厚考於
道無所失今而決可以參金石之奏焉無忘在昔
為魚之日

針口魚賦

有魚針喙形甚小常乘春波來不少人競取之一
柵不重乎銖抄其為針也穎不能刺肌膚目不能
穿絲縷上不足以附鑿而愈疾下不足以因工而
進補以口得名終親技女大非膾材唯便鮮滷烹
之則易爛貯之則易腐嗟玉色之可愛聊用實乎
雕俎過此已往未知其所處

靈鳥後賦

靈鳥我昔閱爾之忠告人之凶遭人唾罵於時不
容覆巢彈類驅逐西東余是時作賦以吊汝非乘
爾困而責爾聰今也主人悟彈者去豐爾食於太
倉置爾巢於高樹晨鷄不鳴百鳥爭慕傍睨鳳皇
下窺鸚鵡爾於此時徒能縱蒼鷹逐狡兔不能啄
叛臣之目伺賊壘之去而復憎鴻鵠之不親愛燕
雀之來附既不我德又反我怒是猶秦漢之豪俠
遠已不稱昵已則譽夫然吾分足而已矣又焉能
顧

重刊板序

余被命來守宛陵視事之翌日有客謂余曰郡學請鏤版印書公留意否乎乃問其目曰梅聖俞詩集自遭兵火殘編斷簡靡有全者幸郡教官有善本余樂聞而應之曰昔龐參為漢陽太守郡人任棠有竒節參到先候之棠不與言但以薤一本水一盂置戶屏前抱兒伏於戶下參思其微旨曰水欲吾清拔薤欲吾擊強宗抱兒當戶欲吾開門恤孤率而行之漢陽大治余殿此邦之初學官諸生以學校為言今客又以聖俞梅公詩集為言客其

吾之任棠也與聖俞公以詩聞於當世是此邦之前哲客其欲余先庠序之教而借梅文以為諭余固淺陋雖不足以發揚幽光敢不率行或庶幾乎如漢陽之治也乃命學官董其事鏤版既成請序於余余豈敢辭聖俞公之詩簡古純粹華而不綺清而不癯涵泳於仁義之流出入於詩書之府而其工歐陽文忠公已序於集首此不復道姑叙鏤板之由云爾紹興十年上元日檢校少傅保信軍節度使知宣州軍州事兼管內勸農營田使新安郡開國公食邑五千二百戶食實封二千一百戶

汪伯彥後序

宛陵先生文集卷第六十終

宛陵先生文集附錄

送梅主簿歸河陽序

歐陽脩

至寶潛乎山川之幽而能先群物以貴於世者負
 其有異而已故珠潛于泥玉潛于璞不與夫蜃蛤
 珉石混而棄者其先膺美澤之氣輝然特見於外
 也士固有潛乎卑位而與夫庸庸之流俯仰上下
 然卒不混者其文章才美之光氣亦有輝然而特
 見者矣然求珠者必之乎海求玉者必之乎藍田
 求賢士者必之乎通邑大都據其會就其名而擇
 其精焉爾洛陽天子之西都距京師不數驛措紳

仕官雜然而處其亦珠玉之淵海歟余方據是而
擇之獨得於梅君聖俞其所謂輝然特見而精者
耶聖俞志高而行潔氣秀而色和嶄然獨出於衆
人中初爲河南主簿以親嫌移佐河陽常喜與洛
之士游故因吏事而至於此余嘗與之徜徉於嵩
洛之下每得絕崖倒壑深林古寺則必相與吟我
其間始則歡然以相得終則暢然覺乎薰蒸浸漬
之爲益也故久而不厭既而以吏事訖言歸余且
惜其去又想夫潛乎下邑混於庸庸然所謂能先
群物而貴於世者特其異而已則先氣之輝然者
豈能掩之哉

注孫子序

歐陽脩

世所傳孫武十三篇多用曹公杜牧陳皞注號三
家孫子余頃與撰四庫書目所見孫子注者尤多
武之書本於兵兵之術非一而以不窮爲奇宜其
說者之多也凡人之用智有短長其設施各異故
或膠其說於偏見然無出所謂三家者三家之法
皞最後其說時時攻牧之短牧亦慨然最喜論兵
欲試而不得者其學能通春秋戰國時事甚博而
詳然前世言善用兵稱曹公曹公嘗與董呂諸袁

角其力而勝之遂與吳蜀分漢而王傳言魏之諸將出兵千里每坐計勝敗授以成筭諸將用之十不失一一有違者兵輒敗北故魏世用兵悉以新書從事其精於兵也如此牧謂曹公於注孫子尤畧蓋惜其所得自爲一書是曹公悉得武之術也然武嘗以其書于吳王闔閭闔閭用之西破楚北服齊晉而伯諸侯夫使武自用其書止於強伯及曹公用之然亦終不能滅吳蜀豈武之術盡於此乎抑用之不極其能也後之學者徒見其書又各牽於已見是以注者雖多而少當也獨吾友聖俞

不然嘗評武之書曰此戰國相傾之說也三代王者之師司馬九伐之法武不及也然亦愛其文畧而意深其行師用兵料敵制勝亦皆有法其言甚有次第而注者汨之或失其意乃自爲注凡膠於偏見者皆挾去傳以已意而發之然後武之說不汨而明吾知此書當與三家並傳而後世取其說者往往於吾聖俞多焉聖俞爲人謹質溫恭衣冠進趨眇然儒者也後世之視其書者與太史公疑張子房爲壯夫何異

某官執事每讀詩至鳩鴉讀書至君夷常切悲周公之不遇及見孔子厄於陳蔡之間而絃歌之聲不絕顏淵仲由之徒相與答問夫子曰匪兕匪虎率彼曠野吾道非邪又何為至此顏淵曰夫子之道至大故天下莫能容雖然不容何病不容然後見君子夫子油然而笑曰回使爾多財吾為爾宰夫天下雖不能容而其徒自足以相樂如此乃今知周公之富貴有不如夫子之貧賤夫以召公之賢以管蔡之親而不知其心則周公誰與樂其富貴而夫子所與共貧賤者皆天下之賢才則亦足

以樂乎此矣軾七八歲時始知讀書聞今天下有歐陽公者其為人如古孟軻韓愈之徒而又有梅公者從之游而與之上下其議論其後益壯始能讀其文詞想見其為人意其飄然脫去世俗之樂而自樂其樂也方學為對偶聲律之文求升斗之祿自度無以進見於諸公之間來京師逾年未嘗窺其門今年春天下之士群至於禮部執事與歐陽公實親試之誠不自意獲在第二既而聞之人執事愛其文以為有孟軻之風而歐陽公亦以其能不為世俗之文也而取是以在此非左右為之

先容非親舊爲之請屬而向之十餘年間聞其名而不得見者一朝爲知己退而思之人不可以苟富貴亦不可以徒貧賤有大賢而爲其徒則亦足恃矣苟其僥一時之幸從車騎數十人使閭巷小民聚觀而贊歎之亦何以易此樂也傳曰不怨天不尤人蓋優哉游哉可以卒歲執事名滿天下而位不過五品其容色溫而不怒其文章寬厚敦朴而無怨言此必有所樂乎斯道也軾願與聞焉

宛陵先生年譜序

宛陵梅先生以道德文學發而爲詩變晚唐卑陋之習啓盛宋和平之音有以於斯文甚大歐陽文忠公知之最深既題其詩橐又序其集又序其所注孫子又銘其墓而哀之以文蓋文忠公之知先生猶子房謂沛公爲殆天授者是豈容贊一辭哉然昔之君子以言語文字爲天下後世所貴重者必其出處語默之際無或少悖於理而後能垂世而行遠此年譜之所爲作也張君師魯叔與世爲宛陵人著宛陵先生年譜余得而讀之愛其詞約而事備論覈而理明其多以歐陽子之書爲據依已爲得書之體至於辯魏泰邵博之厚誣使先生

可作亦自喜後之人爲能知己者且尤有補於世
教也抑又考之宋嘉祐二年詔脩取士法務求平
澹典要之文文忠公知貢舉而先生爲試官於是
得人之盛若眉山蘇氏南豐曾氏橫渠張氏河南
程氏皆出乎其間不惟文章復乎古作而道學之
傳上承孔孟然則謂爲文忠公與先生之功非耶
吾鄉周丞相定著文忠公年譜學者賴之此書當
與之並行宛陵文獻於是足徵矣叔輿以余誦習歐
陽子之書屬叙而刻之不獲辭謝爲識卷末云
至元二年丁丑八月既望序
廬陵劉性

墓誌銘

嘉祐五年京師大疫四月乙亥聖俞得疾卧城東
汴陽坊明日朝之賢士大夫往問疾者騶呼屬路
不絕城東之人市者廢行者不得往來咸驚顧相
語曰茲坊所居大人誰耶何致客之多也居八日
癸未聖俞卒於是賢士大夫又走弔哭如前日益
多而其尤親且舊者相與聚而謀其後事自丞相
以下皆有以賻卹其家粵六月甲申其孤增載其
柩南歸以明年正月丁丑塋于宣城雙羊山聖俞
字也其名堯臣姓梅氏宣州宣城人也自其家世

頗能詩而從父詢以仕顯至聖俞遂以詩聞自武夫貴戚童兒野叟皆能道其名字雖妄愚人不能知詩義者直曰此世所貴也吾能得之用以自養故求者日踵門而聖俞詩遂行天下其初喜爲清麗閑肆平淡久則涵演深遠間亦琢剝以出怪巧然氣完力餘益老以勁其應於人者多故辭非一體至於他文章皆可喜非如唐諸子號詩人者僻固而狹陋也聖俞爲人仁厚樂易未嘗忤於物至其窮愁感憤有所罵譏笑謔一發於詩然用以爲驩而不怨懟可謂君子者也初在河南王文康公

見其文嘆曰二百年無此作矣其後大臣屢薦宜在館閣嘗一召試賜進士出身餘輒不報嘉祐元年翰林學士趙槩等十餘人列言于朝曰梅堯臣經行修明願得留與國子諸生講論道德作爲雅頌以歌詠聖化乃得國子監直講三年冬裕于太廟御史中丞韓絳言天子且親祠當更制樂章以薦祖考惟梅堯臣爲宜亦不報聖俞初以從父蔭補太廟齋郎歷桐城河南河陽三縣主簿以德興縣令知建德縣又知襄城縣監湖州監稅簽署忠武鎮安兩軍節度判官監永濟倉國子監直講累

官至尚書都官負外郎嘗奏其所撰唐載二十六卷多補正舊史闕謬乃命編脩唐書書成未奏而卒享年五十有九曾祖諱超祖諱邈皆不仕父諱讓太子中舍致仕贈職方郎中母曰仙游縣太君東氏又曰清河縣太君張氏初娶謝氏封南陽縣君再娶刁氏封渤海縣君改恩平縣君子男五人曰增曰墀曰垌曰龜兒一早卒女二人長適太廟齋郎薛通次尚幼聖俞學長於毛氏詩爲小傳二十卷其文集四十卷注孫子十三篇余嘗論其詩曰世謂詩人少達而多窮蓋非詩能窮人殆窮者而後工也聖俞以爲知言銘曰
不戚其窮不困其鳴不躓于艱不履于傾養其和平以發厥聲震越渾錙衆聽以驚以揚其清以播其英以成其名以告諸冥

感二子

歐陽脩

黃河一千年一清岐山鳳鳥不再鳴自從蘇梅二子死天地寂然收雷聲百蟲坏戶不啓蟄萬木逢春不發萌豈無百鳥解言語喧啾終日無人聽二子精思極搜抉天地鬼神無遁情及其放筆聘豪俊筆下萬物生光榮古人謂此覩天巧命短疑爲

天公憎昔時李杜爭橫行麒麟鳳皇世所驚二物
非能致太平湏時太平然後生開元天寶物盛極
自此中原疲戰爭英雄白骨化黃土富貴何止浮
雲輕惟有文章爛日星氣凌山岳常崢嶸賢愚自
古皆共盡突兀空留後世名蘇謂舜欽也

哀挽詩

歐陽脩

昔逢詩老伊水頭青衫白馬渡伊流灘聲八節響
石樓坐中辭氣凌清秋一飲百錢不言休酒酣思
逸語更適河南丞相稱賢侯後車日載梅與鄒我
年取少力方優明珠白璧相報投詩成希深擁鼻

謳師魯卷舌藏戈矛三十年間如轉眸屈指十九
歸山丘凋零所餘身百憂晚登玉墀侍珠旒詩老
薤鹽太學愁乖離會合謂無由此會天幸非人謀
頷鬚已白齒根浮子年加我貌則不歡猶可強開
屢偷不覺歲月成淹留文章落筆動九州釜飪過
午無饋餽良時易失不早收篋積瓦礫遺琳瑯薦
賢轉石古所尤此事有職非吾羞命也難知理莫
求名聲赫赫掩諸幽翩然素旒歸一舟送子有淚
流如溝

又

王安石

詩行於世先春秋國風變衰始栢舟文辭感激多
所憂律呂尚可諧鳴球先王澤竭士已偷紛紛作
者始可羞其聲與節急以浮真人當天施再流駕
生梅公應時求頌歌文武功業優經奇緯麗散九
州衆皆少銳老則不翁獨辛苦不能休惜無來者
人名道貴人冷公青兩眸吹噓可使高岑樓坐今
隱約不見收空能乞錢助饋餽疑此有物司諸幽
栖栖孔孟墓魯鄒後始卓洛稱軻立聖賢與命相
楮牙勢欲強達仍無由詩人况又多窮愁李杜亦
不爲公侯公窺窮厄以身投坎軻坐老當誰尤吁

嗟豈即非善謀虎豹雖死皮終留飄然載袋下陰
溝粉書軸幅懸無旒高堂萬里哀白頭東望使我
商聲謳

又

司馬光

我得聖俞詩於身亦何有名字託文編他年知不朽
我得聖俞詩於身果何如留爲子孫寶勝有千金珠

謁墓詩

宣城縣丞南郡滕珂

百年詩老卧空山猶憶當時語帶酸羸得兒童喚
夫子可怜名位祗都官手編新史唐文備骨立殘
碑漢籀漫落日牛羊上丘隴草埋翁仲獨栽冠

宛陵城南柏山寺行到西廂見舊祠人物欲觀嘉
祐老銘文空有醉翁辭銀章粉墨誰舒卷金薤琳
琅自陸離每見河豚起春岸永懷風致細哦詩

又

寧國守廬陵文天祥

滄滄宛水陽鬱鬱都官墳喬松拱道周緣莖茁芳
蓀古時北邙歎白楊邈游魂大雅獨不墜脩名照
乾坤再拜墳上土躡履揖諸孫握手慨以慷而有
典刑在渥洼生騏驎荆山產瓊璫悠哉清渭流眷
言葆其源

又

監察御史張經

歐公去已久誰爲栢山愁白髮詩千首蒼烟上一
丘諸孫時拜掃過客獨遲留寂寞僧窓晚春溪水
自流

又

按察副使盧摯

一上高齋憶謝公雲間江樹有無中詩家政有都
官宅腸斷荒山落葉風

又

憲司經歷真定靳汝弼

宋有梅夫子靈鳳朝陽鳴文章炳星日當時照東
京歐陽期並轡朋輩俱名卿事業何顯著滿腹儲
太平思之不得見但恨遲我生陵谷變遷後薄宦

來宣城儒素藹鄉里雲仍亦賢英幸因休澣日下
馬拜荒塋栢山得其高雙溪得其清二者能永久
延公千古名

又

寧國路經歷劉瑞

昔聞夫子名今始拜其墓栢山寺古碑斷橫三尺
荒墳儼如故稻溝流水聲且哀老樹號風悲更怒
詩仙已去二百載壞垣空走狸與兔嗚呼再奠一
盃酒潸然回首西山暮

又

寧國路同知阮麟翁

嘉祐微言絕重經二百年殘詩留斷石荒壠入平

田山鶴夜應怨河豚春又鮮邦人說夫子寒食寺
門前

祭宛陵先生文

維淳祐二年歲在壬寅某月某日朔朝散大夫顯
謨閣待制知寧國軍府事兼管內勸農營田使王
遂等謹以清酌庶羞之奠致祭于

故都官梅公宛陵先生之墓惟宋文章曰歐與蘇
有梅夫子歐蘇之徒在漢去誕於唐棄諛八百餘
年掃去朽枯如斲元氣變化百殊慶曆之盛上跨
周虞顛倒奔走溢浚之都空餘翰墨一世楷模相

厥寒泉在彼坤隅文氣貫天落日平蕪遂生雖晚
此意中孚肅肅官僚陳其啜餽斯人遠矣不可叫
呼文猶未墜其在茲乎尚饗

維咸淳六年歲在庚午三月某日知寧國軍府事
文天祥謹以清酌庶羞之奠致祭于

先賢尚書都官宛陵先生梅公之墓而言曰大江
西東實倡古文西則歐陽東則先生上追韓孟下
啓蘇曾先生在天斯文有靈僕生也晚實在歐鄉
天子有命來守公邦感時改火爰薦苾芳尚饗

又

文天祥

視我廬陵夫子歐陽彰韓瘳昆孕蘇育黃公於其
間以詩名世葩韓寒芳肩蘇挹袂故醉翁於公之
德則曰衣冠儒者也於公之詩則曰英華而雅者
也翁既與韓而終始公亦與翁而上下公仕于何
如鮎上竹生遇昭陵官同鄭谷使詩遂窮人則三
百篇之作者將其身之俱不淑

又

劉朔齋

嗚呼名位之不可兼得也久矣然得位者榮身一
時得名者流芳千載以公之文學行義雖仕不稱
德而自嘉祐至今踰二百年矣天下之言詩人者

必曰聖俞國人之誦所尊敬者必曰宛陵先生是則天之所以厚公者固在此而不在彼也震孫少嘗竊誦公之詩今幸守公之邦式公之墓悲其亭之以廢而烝嘗無所乃即故址而改作焉表以石刻繚以垣墻而封植其宰木迨茲考成乃率僚案醜酒一酌庶幾懷賢尚德之意精爽如在尚歆頤之

題干越亭送君石秘校二詩後 閻復

南昌一尉老西都文采風流接聖俞詩好見稱歐永叔書工不減蔡君謨洞庭鴈過風生葦干越峯

青斗曼湖細讀粉箋當日誅終篇無字不驪珠

又 張斯立

宛陵梅夫子才名冠當世歐蘇與並驅時稱天下士哲人去已久手澤見英氣可慕不可攀悠悠千古意行義魯威孫流芳垂後裔今遇叔章君箕裘元不墜

又 貢奎

詩還二百年來作身死三千里外官知己若論歐未叔退之猶自媿郊寒

又 張伯淳

聖俞先生宣城裏經行脩明教曾子不特詩名滿
世間紀載精詳繼前史當時晦叔誦其文曰二百
年未有此先生泰山北斗然管窺蠡測難為言我
從聞孫見手澤定知家學有根源爾紙可腐石可
泐世美自有不朽存

又

劉必大

先生文章在青史先生勲名揭白日誰謂二百有
餘年得見兩詩親翰筆花箋松煤色尚鮮元祐偉
人如再出名器時來或可求家珎世傳難可必叔
章持此上天朝橫斗高風低少室

又

王士熙

宛水留素宅空山老栢株詩名唐正體經法漢先
儒賢裔今重見高風古亦無郎官為直講遺說辯
精麗

又

汪澤民

宋代文章梅與歐薦賢何不致公侯宛陵詩老名
千載嘉祐郎官閑一立調寫心聲諧寶瑟書存手
澤粲銀鉤曾經千越琵琶尾愁絕西風鴈過秋

跋前二詩

苟宗道

拜觀宛陵梅先生手書寄題于越亭送君石秘校尉河內之作詩律謹嚴楷法莊重蓋天稟仁厚樂易發見於心聲心畫自有不能掩者歐陽公謂氣完力餘益老以勁斯二章足以當之矣

又

宋渤

前輩文章字畫無不楷謹精密者正若平生大節余嘗見昌黎韓公福先寺下題名歐陽文忠公集古跋尾司馬文正公日曆東坡論語解易說皆起草時冊子雖旁注細書一一端正可讀至圈改行間悉可見其先後用意處今觀梅屯田公白書詩

兩章校其同時諸人若一軌轍又用筆作方闊法李西臺蔡端明然

又

陳儼

宛陵公去世二百餘年今觀遺墨二詩猶日暮遇之也或以為平淡或以為枯槁惟具眼能識之惟公生而卒以詩窮死然世愈遠而愈增重雖與日月爭光可也視當時烜赫者溘然泯然不復知為何人相去蓋有間矣亦可謂一世之屈百世之信者歟寥寥遺響子其嗣之

又

李侗

樊宗師苦心琢句非韓公不能見知於世梅都官
之於歐陽公亦然何異世而同軌也耶仍孫奕芳
持公千越亭并送君石秘校二詩出示亦可想見
其風度矣咨歲之勿墜

又

元明善

梅宛陵負一代詩名歐陽公吃吃推重想當日課
一首用心亦苦矣妙墨二紙髣髴得其勁氣愈信
歐公為知人

又

張與材

聖俞詩名為歐蘇所重後之人不容復議矣獨翰

墨見於世者少其八世孫叔章能瑤歲之今觀其
筆意瀟散有高人逸士風度此豈汲汲於聲利者
心畫正爾豈特坐詩窮耶

又

龔嘯

去浮靡之習超然於昆體極弊之際存古淡之道
卓然於諸大家未起之先此所以為梅都官詩也
當聲名文物之盛有歐公為之依歸而歐公收拾
人才識拔於科舉之外者於先生與老泉可謂不
遺餘力矣雅道相與輝映千古猶計官資而曰不
遇是孰為有遇乎尚論其世誦其詩讀其書必知

其人者始足以語此宛陵先生之卿子孫在焉叔
章暇日出示真蹟使人歎慕無已按尚書屯田員
外郎當是階官後遷都官耳即元豐官制改後朝
奉郎也國子監直講乃是職事官宋初已置常選
通經有實行者為之宜歐公以為公薦也書局編
脩亦公辟云

跋會慶堂記後

汪澤民

宛陵梅先生為文以記會慶堂其奉先思孝如存
之誠至矣歲久石泐嗣孫致遠致和寔等具碑請

余重書刻置堂上噫繼自今歲時禴烝百世一日
則梅氏子孫之職釋子能周護柴栢如澄展之心
則各盡其道矣尚勗之謹之

宛陵先生文集拾遺

得餘干李尉錄示唐人干越亭詩因以寄
題

餘水之干越之鄙築基相對琵琶尾琵琶日日有
秋聲鴈過洞庭風入葦南斗憂湖波不起長刀刺
峯碧耳耳姳娥夜出在寒谿青銅瑩磨光幾里朝
因吳客幅蒲輕滿紙如螿蠶書可喜

送君石祕校尉河內

古縣太行下老槐三四株以言新作吏不似舊爲
儒黃綬心猶壯青雲志豈無漢朝吾遠祖不道此

官麓

雙羊山會慶堂記

余以附城之地勢勝神靈所栖故建閣曰寶章以嚴帝書爲堂曰會慶以安吾先君先叔畫像有僧澄展願歲時奉香火澄展先叔於其有恩雖然抑之不欲背本堂之前許其置佛俾報恩奉佛兩得焉况吾之親域在其右欲因以固護初余一發意吾鄉孝子義士咸助以資噫愛人之愛親者知其有親也不愛人之愛親者知其不有親也不有其親則孟子所謂慕少艾慕妻子慕君者歟余老矣

慕親而不可得見見墳傍之草樹不敢慢當者善親髮鬢在其下唯恐令傷一草樹切切焉不忍去欲常居此則業爲王官欲致爲臣又無以自給僧能專事藉以守之守之必精潔其宇無令棄俗趣而樂處之余之存心者此耳堂之經畫始終由吾里人張景崇景崇力爲之者愛吾有其心以吾貧不能自爲也衆人亦由景崇然後從而愛之愛他人之愛親者於其親可知矣吾不得不書以示後人知吾鄉之多禮義又書其姓于石陰至和二年八月初吉宛陵梅堯臣記

八民以言為樂其樂也

人味言職之是辨也人味言職之是辨也

人之言無言者為其言可也夫言者言也言也言也

不非自為也夫言者言也言也言也言也言也

聖人樂言也言者言也言也言也言也言也

而樂也人之言也言也言也言也言也言也

言也言也言也言也言也言也言也言也

言也言也言也言也言也言也言也言也

言也言也言也言也言也言也言也言也



卷之三